


卷一



石倉十二代詩選

明次集卷一百三十五

林屋集

大明

吳縣蔡勳羽著
後學曹學佺閱

高舉閒居

共對壘
詞賦不
更變
其
精
竟
兩
到
盤

言征南山阿顧念北山麓南山可採蘭北山有

綠竹鷓鴣既和鳴佳氣復郁郁斗酒勿愆期美

人温如玉朝遊夕告歸風光一何促良會難具

言與子坐明燭
對
真
默
又
又
烈
如
神
茲
景
幽
吾

青旗載東廓四野綠以平春光煦覃葛黃鳥相

和鳴停車抗疏峰厲涉迴湍青陰條斂寒色陽
卉騰朱榮望望愜真想反反欣服輕茲景適吾
意形外無所營

冬涉

朔風鳴枯條愁陰結昏旦輕舟犯河凍乘朝策
高岸後徒俱揚塵臨祖不遑爨萑莆竟兩涯盤
沙起鵝鸛出客雞早鳴爭門馬行亂重經陵谷
改再到毛髮換未同阮子悲尤多長卿倦飛蓬
逐飄風常懷千里歎

見日啓雉門出疆迷霧白肅肅踰西山悠悠念
東陌初程卽踣水裹霜起杖策青野紅酒樓兩
歲三作客孤燈萑莆間烏啼不能夕四海一囊
書行行竟何適

志內

曳泥終無累縣解不受刑能開玄室光常得遊
廣庭夕月玉鏡白朝花芙蓉青光景不自愛嗜
好失性靈陰陽何在萑蘭卮屬初馨微和暢玉
色夕醉朝已醒君愛南山礪予樂北郊坰竭來

從所之杖屨時一停

志外

生受明主知紅顏遊舜廊吐氣干雲霄顧盼承
輝光重重侍中貂累累金銀章出入青瑣闥托
籀椒蘭房恩多不知榮意極生悲傷青葱玉階
樹不能待秋霜

把酒有懷寄文子徵仲

芳園閔嘉木曷景鳴禽喧曉月沉西池忽復臨
前軒蘭卮懷時哲氣壹不能言迴飈吹我衿起

坐衣幡幡乖違怨參宿興滅猶旦昏逝歎三春
淹闖望恒軫寃荷氣浮朱房熠熠集青蘩季夏
非長寐耿耿至曙屯

浣紗女

浣紗復浣紗沙水清見底水中芙蓉花常與妾
爲比妾顏比花丹妾心比水寒風吹沙中浪花
落霜漫漫羅帶雙鴛鴦結束玉臂單一心爲寒
衣行坐忘艱難

春盡虎丘

日日憂花謝開門綠已齊
煖舒雲外服靜轉樹
中梯泉香近丹井山空聞碧鷄
年年春易去列
藉俯迴溪

大雪因感

北狩

朔方旣開郡陰山盡歸附
雲中列板屋不俾邊
珉露王人曷西邁師干涉寒
沍璫花結轅門飛
片揚太素主勤從官憂天行
萬方怖留田單于
臺耀武呼韓部功德豈不偉
忘隄匪王度願言
備藩盾旋風肅神輅

從軍

四牡何駢駢小戎花間出
良人執弓矢不能顧
家室楊園葉未黃是君發家日
借問幾時歸長
條易蕭瑟公孫好功名
王事何時畢

青羌與白狄春戰常連秋
黃雲失紫塞烽火暗
隴頭一日如三月三月其奈何
鴻鴈日南飛明
月日西流清光不可附
帛書安可求

林屋洞

飛沉出秋鏡逸軫凌僊區
巖月啣半規林霞襲

芳襦靈關叩玉堂異界覓瑤樞含真如有遇懷
遠將焉須神人多岫居執手程豈迂阿窻亦髹
綠壁柱左膩膚白鴉飛滅燈山鬼能吹竽冥寂
巴陵道緬想黃金鳧美爾玄玉膏一飲叨仙俱
銀房與石室靜嘯撫懸壺黃雲冉冉送秋小
炎州諸華凋海島珍樹綠秋潮駕天輪倒流隘
百谷吐吞何包周委輸常不足神山湧鰲簪返
照動銀屋盧敖去我近溟洲許邀宿水若信清
遲明月旋艫一葦速

孟冬

玉衡旅危次郊野氣肅烈行人指故山昏曉不
停轍旅魂容易驚長路多周折誰謂金馬門不
如崆峒穴迂遠非時才寒姿不利熱長揖侯王
前偃蹇得無拙藹藹松菊香繞我岩下雪鑿得
紫芝田毛裘尚堪挈蒼青履幾月下幾許人怨
秋夜別友人王樹林山人頗辭藜藿盡楚

秋夜何沉沉風動玉樹林何人賦搖落曲盡愁
予心花開白石巖葉落青銅鏡月下送行人悠
悠發長味江猿一萬里留君過今夕有酒不能
傾安用秋月白莫賦鸚鵡洲多才竟何益但願
無風波扁舟任吾適頗聞洞庭野天籟能忘憂
豈乏浩蕩懷能作瀟湘遊南菊日夜黃霜蕪尚
餘綠有客知我琴清夜奏古曲

蘿菴翁竹圃

靜樂遵幽漬羨栽相厥土槃彼澗之阿淇上詎

足數青瓊璨丘園靈根潤玄圃開葉翠幙張陵
梢匣琴鼓鬢鬣凝水霞敷芬集山羽鶯羣與水
鷄求偶或鳴子孤墟隱翁性曲突柯間戶寂寂
遠市朝蕭蕭目環堵啖玉不知瘦洗耳良自苦
華裾羨投簪軒冕慕襲距潛形久許絜遙謝竟
莫侶秋商每陵節涼月亦不沮晨謀無請謁遲
遲得宴處小子仰清風時叅側談塵

向來秋日山中樂

蒼山抱江長秋氣日夕清古閣浮空濛猿嘯陰

風生石房俱玲瓏出入煙霧輕花從潭心發松
向琴中鳴林開樂遊苑日落白下城有約暮不
來眺望傷我情

贈華子中甫

愛我岩下雲且避秋陽赤潭空天鏡寒風過蕙
光碧松竹長遮天相逢但掛幘山曛猿欲啼爲
子掃片石

宴韓子承宗葑溪草堂與劉時服

中丞高館舊公子翠屏開曲水當門轉飛梁夾

樹來花枝晝吐艷水氣暖生苔樂意關啼鳥閒
情付酒杯醉來白幘岸時傍碧溪回夢得新能
賦雲霞費剪裁

相逢

相逢疇昔人斜暮南山谷執子青青衿爲子拂
面目子衿不易執三載跂予歟功名令人老岐
路何反覆今夕聊晤歌明晨車發速車促歌轉
長臨觴意不足

秋泉

予愛秋泉清况傍岩花滴魚遊日光中倒見潭
上壁安得無機人同坐相浣滌白木朝露香紫
芝秋霞熟石上瓊瑤花採來不盈掬道人開石
門悠然在深竹
金門白日開行人亂如蟻不得公卿憐何由取
青紫本乏入幕才豈能令公喜但撫千秋絃一
奏礚溪水

江上晚來山

江上晚來山宛似五湖綠我行霜尚繁已聽鶯

出谷三歲桃李花天涯一何促非乏篋篋聲不
解秦人曲長裾畏風塵握粟厭童僕攜手會稽
雲扁舟未為速

秋夜西齋話徐甥道環

寒露應時至草木瑟且清廣坻一以臨仰見河
漢橫莎雞颺然鳴攬帶中座驚炎涼更相送往
者不暫停懷春慕良人誓節要聖明佳期雖屢
失未泯耿耿情南山何崔巍豺狼暮當道前車
已脫輻後徒將安造念彼青礪河茂樹日環抱

姑從一樽綠臨流聽猿嘯

朝陟

夜戶集蟲聲朝曦布林影登高伐叢漆乘京出
墟井雲端開丹笈松下幕金鼎寒士無相猜熱
客不吾省遐宇流絕輝千巖結晝暝緩頰松綺
間無心念朝請

贈宋克貞

藝圃晨夜耕勵志終當奮聚螢亦太拙簞豆但
推分能行古人事勿懷今人愠含冰著義烈咀

霜有餘韻顧彼堂堂高詎若恂恂近睥睨朱子
垣儼聞絃歌訓

雪後南泛宿潘氏

黃蘆蕭蕭寒草短日光白有客弄煙綺獨掛滄
江席起披楞伽雪忽見茶磨春蓬萊白銀宮宛
轉在几格天華動物表霽色澄川陌鶴立千年
松練掛一片石古厓屏風青冰壺金鯉赤鷄鳴
楓樹林馬度梅花驛茫茫五湖間未見范蠡宅
悲歌對尊酒浮生苦行役

鍾山石

行看鍾山雲坐掃鍾山石
 風光自旦暮杖履得
 所適夏木重重翠不見日光赤
 好鳥忽自鳴藤
 花落金舄鐘乳寒流香芝蕈
 晚可摘造化靜去
 來陰陽細薄射六月無纖塵
 揮塵得無憚何如
 廣坐中束帶汗流客
 青猿不避人遠掛千岩松
 北湖無風濤明鏡開
 芙蓉東林梅雨歇落日雲際鐘
 天光既平淡物
 意俱春容蓮花酒初紅
 荷鍾得所從行行溪復
 山不覺林谷重誰云鸞鶴遙
 茅蔣多仙蹤

江南鴈

江南十月交縱橫見雲鴈
 萬里避天山應有風
 雪患白露變作霜紅蘭委
 溪澗南方亦蕭瑟寒
 衣未縫綻皎皎月中砧
 萬戶寒衣聲驅馳遠遊
 子不盡閨中情

送方儀部

城隅屬新爽江介有別業
 攀翻西陵桂悽涼暮
 江涉美人欲何之持觴
 屢悲咽緹組趨承明束

帶侍華軒步頓青雲端展對當象筵垂名壽千
古得意取片言豈虞巖穴士懷春不能宣行行
須努力緬瞻極南北

宿花岩

迴磴臨陰霞抗步造浮雲前宮未及暝來翠一
何紛寶景臨臺滿玉澗隔葉聞冲虛恍無寐冥
寂魄自欣凌晨挾遠公緣巔瞰江濱扶搖摘星
石馴擾鸞鶴羣終然釋害馬坐覺凡聖分諸天
跂予久竭來庸憚勤

荷葉

鳴鳩拂羽翼荷葉大如甲美人別湘浦乘雲適
巫峽許我相見期蘭卮再三軟南風吹綠草路
長不可涉路長愁馬疲日長愁客饑明鏡上塵
埃衣匣生蟲絲君心亮不易新懽多反覆三月
不見君憂來忽如突
秋風吹花落露白荷葉黃美人去經時草碧天
轉長鴟鳥能夜明熠燿能宵行嗟予不復寐耿
耿豈有嬰十月抱羅衾此意疇可托手中雙跳

脫願持報芍藥旋馬顧舊廬終然不我薄

諸友次高座寺

城南諸佛宇各自占煙霞十步一金磬高臺自
雨花帝城雲物瑞江表士風嘉醉愛楓林暮停
車傍狹斜

避暑神樂觀觀醴泉亭

出門望郊墟欸然神仙宅草豐圓丘露輦餘周
王迹紫煙引笙鶴銀臺隱鳧鳥醴湧餘百年碧
撫泉上石芝瑞著 廟歌靈滋澹今昔宣滌埃

暑懷赤晝噓霧白八桂陰蕭蕭重絺步索索來
往王喬壇從師乞玄液

王濟蚤秋西山道院

長林帶京邑西阜開玄宮凌炎覓珍境攬曠丘
壑崇合尊松篁間靜嘯親密同引脰江山上日
與林鳥東華池迴碧牖羽翬虛涼風浮暑日繼
綵欣然躡葱籠不遇丹丘生空復思韓終

送吳子惟新歸錢塘

落日白下門逢君碧岩裏下馬拂石堂傾蓋懽

無已結交無故新
新人勝舊人所重
在知己千金難許
身君如青瓊枝照
我光栗栗松下解
朝簪雲端弄瑶瑟
我亦就君酌叩君
竹邊室山花照廳
事座上秋渠滴方
竊芝蘭膏中途遽
相失知君有心事
青年解官函

林元夕

玉衡旅東觀寶景
流南闕青樓環大
道銅車夜妝滑名
都集朝會裝服多
詭譎三台開玉燭
幽途晰毫髮鳴箏
填上路交歌合胡
粵九穀俱豐

登殊方罔越厥行
遊金鏡中朝醕暮
不歇

贈前山蔡行人

左手握靈蛇右手
遏狂瀾少年不經
意坐轉爐中丹入
巷聞清風出門見
顏色白馬紫障泥
擁道來相識

四代懷玄秀樓十二景

三星皆筆壘少湖
真墨池正月蘭蕩
息東風吹鬢絲
梅香夢中化天桃
帳前起燕子掠綠
莎啣絮落

歷代詩選

明蔡允達

三

鳥几

青巖結紫霧淥水隔梨花沙鳥一行起連天白

雪斜

四月不見湖但見萍草綠細雨林膏香鶯聲亂

百谷

新魚吹香藻蝴蝶過東家南山忽不見斟酒送

餘霞

山高暑不來雨足雲常綠芙蓉過水香鴛鴦對

窻浴

新秋雕胡熟玉鳥滿碧湖高雲盪石壁遠水接

蘼蕪

菱歌何宛轉抗館常逍遙中庭月華滿桂子雲

端飄

遠巖楓葉丹近水萍花白霜菊既臨觴秋蘭復

蒸席

臨池了道經移琴拂鳥几前湖玉鑑開西山白

雲起

樹紅山果盡田白水雲深燈起漁歸岸天寒鳥

歷代詩選

月夜

次集卷一百卅五

十一

歷代詩選

明蔡九遠

十四

樂林

空聞雪裏香不見臘前色林空待鳥歸山高抱
霞息

渡淮

新陽矚淮浦吳魄流東冥權歌發清口長纜抱
前汀開尊落虹蜺握筆搖斗星舊都神仙洲寒
士叨餘馨獻納乏詞華臺寺多典刑朝簪夾城
花夕採江都萍

送劉范東守永平郡

瑤華半銷落朝露忽飛霜仗劍送遠人牽裳思
徬徨曩作萬士師玉德流朱方邂逅西曹邸轉
盼屬輝光北方有嘉

命日出踐河梁河梁容

易別顧瞻幽冀长假節煩大賢偉圖非小康碣
石開靈宮孤竹擅封疆雄州接海角作險壯帝
鄉昔聞別駕功今覩專城良文武十萬家一鼓
俱奮揚出入兼徽略啓處得未遑喙息鷓鴣枝
不隨黃鵠翔時因東北風尺書勤遠將

九月十四日集東麓亭

歷代詩選

明蔡九遠

大集卷二百廿五

七五

京風颯江介雲日彌城邑玄宮冠隆坻爽林秋
氣裊右瞰靈波長左拱朝寺襲紅蘭委神皋華
薄冒原隰晨徃苦夕歸孤懷忘羣集卑枝迕高
蓋促席妨長什雅投幽翰期詎宜悲絲泣頓轡
東軒中緩帶曲阿級松遊翠陰重桂動香露濕
檻高睇營營巢返聽戢戢托身本難稽超景嗟
未及臨發耽須臾青驪解還藝

少宰鍾石費老先生朝賀

溫詔傳天喜歡聲率土長堯階開景曜舜海

仰重光少宰虔趨賀羣紳肅表章青旗當道路
畫戟破冰霜瓜瓞歌方協熊羆雅載揚芝函陳
玉几魚佩染爐香寶勅卿先捧金錢宴共嘗萬
年圖歷遠九廟本枝強舊學經闢久申公世德
芳東朝難避選夙望簡吾皇

訪王子元案不遇

朝縣北林鞆川原冒綠縹蘭皋倏開霽桑麻靜
相屬想像高士居依稀青磻曲不見如玉人空
把生芻束車鳴清響遐華落餘香續訊問草堂

歷代詩選 明苑九遠
英投書子真谷

早秋李抑之見過

秋暑曠文典荒居簡冠屨入門忘形骸揮座就
榻几後館紅藻明中庭綠陰徙風來候香吹雨
過銷園綺清光共流轉牽裳情未已

半園贈金子坤

別子蘭蛻花相逢竹生籜開門風自開虛徑雲
常鑰已煩揮塵談未愜聽爰酌爲掃南山石秋
眠看泉落

講讀廳有感

當年開集賢非適典章寄雖資勝國遺亦拔山
林萃時叨雲臺議或較虎觀異流傳柏梁和奏
草玉堂記含毫賈陸登待問枚馬至遭逢一時
會千載良不易新都開天極文昌照幽冀玉館
襲故規瑣郎寄名位頗念講署槐曾連衆仙歧
南北俱神京今古同勝事毋令仗筆兒踟我瀛
洲地晨趨歷蒼階遺編識中秘不聞金門宣徒
懷彤管志

王子官舍芙蓉

涼飈散溽暑嘉木荏苒明芙蓉負竒麗秋晚發
江城凌柯濯繁露迴房面朝榮遙連禁苑香迴
占官署清霞冠高英動風褰低箔橫羽卮競苔
砌綺席包丹楹西園魏帝味東府時彥賡景落
客不發玉貌轉相迎

太平甬道望玄武湖

羣山自北來鍾阜亦南競天開北湖面十里蔚
環映金城枕湯谷龍蟠故圓竟湖心穿甬道兩

水如夾鏡通靈政府清動盪簡書淨頓覺樊籠
舒復愛魚鳥性虹洲白氣流鰲峯紫光迸彼岸
殊不遐予心已超聖

與湯子重話別

旭景煙際升疎星樹間落徙倚東郭門攀援西
邸幕君來席未煖雨阻難見數離緒曷易生交
緣豈素薄新荷停碧柯舊館將紅萼草色蔓空
堦苔痕入深閣但適形外情莫避花前酌輕霞
冠尊涼微風褰衣漠常疑歡譚際俄致去留各

通籍三十載中腸雅相托

甫久

雨久客不過苔花滿廳事幌虛波交縈樹茂陰

颯至鷗來狎園薄鄰荒度墻荔霽景散林氛徙

幕高明位

毛督經浣亭官舍芍藥

晝靜綠陰匝微風滿院芬紅欄昨夜雨碧館見

朝雲春杏鳥空怨暖多花易醺須煩紫絲帳遮

護到斜曛

奉寄衡山太史兼柬子美御醫

昨侍玉磬翁婆娑碧桐樹葉下陰檀樂尊前慰

辛苦丹筆示風流玄辭出肝腑未輟雲館歡載

作楓橋聚虛晨移青纜清秋別芳杜文翁西崑

叟王郎東牀甫徘徊重競觴臨發一揮塵滄洲

昔分別歲月今可數邇見王官仄獨眠中時雨

故人形夢寐想像思步武舊春倏已逾新涼殆

臨戶荷房繁綠茄菰蒲產白羽桃李食其果燕

雀交相乳飛蓬顧本根流波思舊浦不覩溪上

歷代詩選

明齋九選

卷

人相詢邑中父德馨轉自愛名高豈多取瀛洲
君故遊瑣郎我馬補蕭條值羈懷風雨戰環堵
若待紫萼香還作黃花主端居各一方老大仍
自努恨燕良今何堪置良王官以謝中朝用
史王壽蔡霞山方伯司勳乃尊也一戰聖會歷
北闕賢勞久南山暮景長神駒方遠駕老鳳恣
高翔座上招蓬島門前是石梁仙翁金鑄骨嘉
樹玉流香白石煮瓊髓黃精斛稻糧引車蒼鹿
秀搗藥綠瞳方廊廟思弘景天書問子房水桃

東海至六月羽巵涼

魚米池上納涼

草豐平如苔綠茸參差起鴛鴦泛漣漪菡萏

芳沚雨過雲初涼虛軒懷殊喜野曠蟬四鳴稠

陰客羣止褰裳沮洳陂挈席檀欒倚寫弦激清

流解襟遠微滓石臼碾新茶冰盤過沈李畏見

赤霧噓且吸碧筒底形跡多機筌恬愉歸神理

邂逅勿棄捐徘徊玩餘晷

米門南岡掌科冬日園亭

歷代詩選 月夜九卷 大集卷百三五 二下

朱門連邸舍青苔入徑長窮冬歇芳樹名園崇
 綠堂斜穿窈窕戶曲經鳧鴈塘主人矜虛懷賓
 客不憚觴停驂盡餘晷燃膏歡未央出門具壺
 矢談間金玉香始報烏夜啼倏回牽牛光斯須
 展忠雅永懷期勿忘
 何子叔皮張子月鹿至館芍藥適開
 荒畦斜涉水伏檻細流霞逐客矜春服瀕江托
 烏家淹留芍藥砌想像故園花共賞休辭座尊
 前鄉思遐

東林喜雨
 炎方厭熏灼不雨苦連旬春叢日以偃勾甲多
 不伸南山殷其雷靈雨降載晨咆哮共舒解焦
 卷相鮮新川原粲茸茸瓜菜交欣欣臥聽展齒
 音鷄鳴嘍四鄰流雲下蓬楹和氣冲葛巾新田
 沃甘澤禾麻無苦辛農功有次第踴躍勿逡巡
 穿園剪蒲笋亦採澗之蘋青芹四月香茅苗競
 乳珍王績三升糟方朔一囊陳雖非高陽傳意
 氣即故人求我形骸外枕汝不余嗔

從新河至楓橋次李氏

垂虹一十幾滄洲次第歷波盪綺閣簾風送樓
船笛苗苗花尚紅蓮房子先摘萍迴開明鏡渚
緬淹去鷁出入山水間漸覺塵土滌寵少憂亦
輕形神獲雙寂

六月七日秋官趙青墅張春江施璉川大
理王白谷見招封君陳西江與其子同野

與

東林曠遊覽暇日承諸公初晴溽暑澹開閣芳

讌崇江山映天際朝市在煙中闌雨流泉綠幽
芳餘藥紅高攀臺城堞俯折芰荷筒玉樹連青
靄金膏盪紫宮更衣備峻陟曷徑謀傍通徙席
情彌浹落景意未終環觀叩雲碣舒嘯薄霞穹
日暮籃輿返回首仰高風

出餞神樂觀呈座上諸公

藹藹青林曲望望絳扉園倦矣方襍襍飄然逢
羽仙五芝瓊秀發八桂翠陰連豈意玄虛境猶
逢羅綺筵冰宮霞作飯玉井醴爲泉碧漢鳴天

籟丹房奏鳳絃景含松栢晚花映菱荷鮮主勸
黜千日賓酬願萬年遺香滿郊甸餘興媚江天
六月不知暑方驚蓬島邊

秋盡適虎丘同何陳諸子

舟程雲際虛鶴駕閒中命迴川入花林籬落秋
容競芙蓉隱綠疇菊萼紛紫柄重崖宿霧收片
石紅泉迸何戡覓舊曲陳琳溫寒盟行行深竹
中頓適魚鳥性前沼一何綠雨後青銅鏡支離
步斜斜冥寂心夔夔首座具袈裟苾蒨啜清淨

歷覽莫余嬰長齋入玄聖

胥口舟中逢潘半巖

晨裝擬鄉井暮逼程未歇谿上逢故人徘徊值
明月阻離情如割詫見歡亦發紅蘭改涼節青
霜振短髮離立方須臾瞻眺倍恍惚輕裾拂滄
洲餘譚竟難竭

報馬通政西玄兼致別

荷花半落衣蟲聲尚藏樹玉館念高賢楓林變
歸路遲遲長卿思矍矍金莖露徒聞報章難未

識天孫趣

子木員外書來

遙遙前山雲邈邈太湖曲巖阿阻且深悵望日
不足舟從芝蘭澗鳥回土囊谷天開崑崙田父
子樹皆玉清風到予袂輕塵想芳躅新辭啓陳
懷流水滌暑毒雅弦興長嗟醇酒破薄俗而翁
卜初好恃子得久屬

雪

天花散太素轆轤鳴金扉夜折三河膠朝亂七
襄機穴隱玄猿哀冰結駕鴉衣塵多毛裘落酸
冷人影稀如何離澗阿旅食常郊畿修途旣茫
昧小逕尤隱微

璿臺凝素輝玉河歛寒色皓氣連東溟祥光轉
西極草短原兔飛河平車路直莫羨北里歌請
聽南鄰織夜靜拂冰花翠梭拋未得如何天涯
人不念桑梓域

思田園

南方樹藝早嘉蔬當及時王官鑿水罷忽起田

園思東郊織臺笠西郭編茅茨田家不辛苦衣
食當待誰曳裾京華塵徒自墮四支三江綠煙
起何日佇杖藜

園田二三月不盡花枝煙青村對鳴鳩茅屋下
寒泉蒸茶復刈麥俱及穀雨前盈盈斯螽股采
采柔桑錢巖居遠朝列雲臥隔市塵邇來多行
役裘敝不得旋

旅徒何囂囂頻年棄墳墓秋邁望春歸冬盡悲
秋度三見王官麥長吟白亭樹青青巖上條也

蔽巖前路悵悵東遊子何時復西顧秋霜落明
鏡朱顏不逮故

卮酒臨高軒日暮多風塵仰見吳門月不見吳
門人他鄉促新節異俗爲相親飛鳥戀故園遊
魚知舊津悠悠長途子不愧羽與鱗西風觸琴
瑟絃惡多悲辛

車行所懷

園繁鳥不絕花落香猶清去旆難髣髴歸帆空
月明寄書知鴈晚解纜記潮生只在湘江畔誰

通疇昔情

車行

車行出北郭，
垌馬蕭蕭嘶。
涼風動廣野，
鴻鴈縱橫飛。
陰山急烽火，
萬里赴戰期。
寶刀鳴鞘中，
不顧家室私。
室家予豈遠，
君恩不計返。
單于旣宵遁，
聯鑣獵胡苑。

車行何幡幡，
鴻鴈俱北還。
草青涉交河，
月黑閉漢關。
沙河自南流，
關門自北啓。
何時赦餘醜，
輕車拜天子。
功成不受爵，
長揖歸田里。
耕田有餘力，
養親有餘日。
失足在戰場，
遑脩薦棗栗。

許攝泉馬子洪蔣子重集塔院

朝輿跋石門，
夜宿修竹所。
枝策縈碧巒，
眺高失秋暑。
去鳥經華林，
來颺自蘭渚。
合交欣忘形，
解束獲宴處。
觀湖亦愴惶，
蔭樹宜少許。
流瀨疏髮襟，
絕輝洞淵宇。
松鳴空中籟，
茲作泉上語。
昵留月銜規，
言旋鶴悲侶。
常得遊玄淵，
何須羨輕舉。

送葉敦叔還慈溪

秋暉杲澄江，
丹楓隱金闕。
懸念慈湖霜，
棄捐白

門月與君俱他鄉天涯勿遽卒青青憐桂枝去
去悲短髮日暮琴不鳴樽空鳥屢沒送君轉依
君清夢先歐越

送金子士瀛春試

歲暮同京華安危隱相託念子千里行令我情
不樂水寒木無花城高日空落言征在須臾臨
觴不能酌天王開宣室求才意不薄子有補天
方遭時須踴躍昔美子輿守終然季布諾寄我
尺素勤遙持慰寂寞

山晚憶陸子遠沈明卿十二韻

初冬天未寒雨過林光接丹樾擁青厓重重間
雲葉古木猿垂條山城鳥歸堞阡陌俱懸黃鳧
葵已落莢鴻鴈護水田霜臯喜初涉擬過孫登
巢將詢謝公屣沙明月欲生酒清未同軟安得
二三子松下聽緩頰金闕煙際來蓬萊鏡中疊
暝鐘踰嶺長嵐陰向晚怯行曳碧澗端眠與白
雲貼山空瑟不鳴礪下谷風獵

春宵真叔館話彭子孔嘉

春宵迤長燭華館集俊英馨香盈爾懷文采相
軋傾稜衿念先子彈劍多悲聲蹤竒敢卜程物
異遭屢驚雨鳴當牀竹綠水波前楹停車待明
發卮酒未輸情粲矣千金襲提攜勿自輕中疊
採桑方遠揚姜女在中林朝筐未及盈黃鳥忽
好音玉顏易遲暮青春緘怨深余髮一何曲冀
子或同心子心不余亮日月空照臨嗟嗟孟姜
操歲歲此桑陰

魯橋

東蒙方戕戕洙泗亦沮沮屢梗舟不前時昏未
卽處春過花不舒旅憂易成緒思嘗齊人羨不
見楚郊雨朝素夕成緇揚沙疾於柝雞聲一何
惡有客中夜舞

天界寺

秋晨慕虛覽梵宇謝埃鬱前壠未及踰中林庶
欵述入門躡颼颼循嗅多肩鏞紫院陰霞興瑤
階錦苔出問栢知僧年藉花蔭佛日晝憇夕忘

歷代詩選 明察九遠
返神恬形寡役懺往坐獨冥玩空塵徐拂終寓
豈不歡旋輿未能釋

錢孔周席上話文衡山王履吉金元賓

契濶多憂思歡然集桑梓執手念離別別離何
年始校書石渠閣及顧若脫屣繫馬親昵門合
尊城東里欵曲輸素懷次第問髮齒錦瑟未及
彈怨歌中觴起怨歌何所陳怨此夢寐人出門
卽天涯恍惚難相親

徙幕府同仲先

府邸開平臺松軒轉萋綠四術多朱光閒房靜
相屬余業倏朝依子懷喜夕篤深居若無人閱
暑不知酷晚葵敷餘霞新蓮摘青玉風清客襟
開月來琴柱促寂寂方丈間超然出塵俗長令
形迹忘奚用事溪谷

別張膳部

寒花曉猶開清江自明滅蕭瑟沙中柳愴惶與
君別阿閣瓊窻巢鳳凰孤雲野鶴江海長朝霞
發疏閣別館臨華池金風動閭闔畫省堪題詩

題詩不盡江月白寄與婆娑煙綺客錦宇常留
形管香思君正在綠蘿石

越來溪

越來溪光常浥浥遠接吳江混寒碧暝鐘未起
秋霞飛坐眺無如茶磨石越來溪上多遊人香
車寶轡俱生塵桃花妒紅芳草綠三月來尋曲
江曲春花秋月無盡頭朝來暮往何時休吳臺
越館今何在蒼煙碧石俱含愁我來八月露氣
涼常從雲端開竹房溪山一臥便十日形骸爾

我渾相忘沙明鳥白柰不得况是長橋菰米香

姑蘇臺

夜有吳趨月朝有出棟雲高臺佇歌舞羅綺何
紛紛吳月常從越山起越花卻種吳宮裏眼前
不盡西子歡安用窮觀三百里興亡不自由春
草生銅溝惟有橫山色空帶蛾眉羞香奩想像
朝雲廟綠泥繡斷金燕頭朝雲滅金燕冷夕陽
滿地青楓影

山前祥公話天目山

山僧荷衲眉滴青蒼藤卓地鉛作聲芒鞋踏遍
天邊山白雲擔出人間輕自言尋師一百日月
磴霄梯盡歷越路窮不聞啼鳥聲側身曾穿虎
豹窟天目高山何處起脚繞臨安五百里諸天
鐘磬虛無中秋霞冬雪迷禪宮朝箱忽自淵底
來夜燈却在空中紅風高六月水不解胡孫啾
啾崖谷晦春無桃李秋無菊惟見天花發光彩
我思越中多異峰擬折天姥青芙蓉錢塘隘海
天目聳聞渠一話心憧憧他年借得飛龍杖還

覓支公殮雪松

煮七寶泉

玉音丁丁竹外聞璿淵青空出樹根脂光栗栗
寒辟塵冰壺越宿長無痕碧山無雞犬車馬不
到村支公三昧火自閉桑下門東風細落巖畔
花煎聲忽轉羊腸車建州紫磁金叵羅錢塘新
揀龍井茶瓊液津津流齒牙相如有文渴陸羽
無宦情相逢開士家七椀同日傾茶爐若過銅
坑去石上長罌仔細盛

寶劍篇

寶劍在匣光不滅銀花皎皎繡成雪有時長鳴
思飲血逾千年今刃不缺五霸更盟七雄裂功
名從前不可說娥媚尊前借一刷醉中嗚嗚口
堪映指揮動日月聲價傾名都龍額豹尾黃金
塗精飛淚泣照珊瑚秋霜未落寒影寂神鏢一
奮壯士呼抹流電瞬離朱星光九點湛明珠左
提右挈誰與俱騰江湖薄牛斗行逢漢天子千
載一驥首銜靈覲龍光上賜紫絲綬穿青雲兮

入重九頓挫乃在萬乘手際遇亮匪易酬恩報
主身何有戮鯨鯢兮跨八極揮指胡粵妖祲息
崇平草莽野無棘尉陀綏綏單于折翼萬乘高
拱永無慝饜來奏未央功成不受職願令四海
常晏清清廟丹書勒功德

蛺蝶篇

西園蝶叢叢映花葉十五佳人二八妾鴛鴦帶
長芳草貼妾面如花步輕捷粉蝶紛紛上眉頰
長安踏青天氣和千叢萬叢情緒多蹴得遊絲

落釵翠牽來草露沾衣羅遊絲亂草露長美人
欲行空斷腸綠潭紫礪迴花房銀錢瑣碎雜柘
黃飛入桃李花落地亦成香花落留臘脂蝶香
無斷時相邀入羅扇起舞嘖蛾眉蛾眉轉低草
轉碧日暮江天欲何適梁園應有未歸人章臺
豈少思家客思家未歸春已殘悠悠蛺蝶空合
歡芳草年年成永嘆

樂遊苑

春河流春草生昔人歌舞今人耕鍾山紫氣日

夕來金城十里飛華英水近溫泉殿園香貫赤
縣樹染北湖煙寒碧浮山川瑤池正在鳧鴈中
阿房閣道生青楓尚留一水折田間曲江想像
無花紅拾得古釵頭田夫不能識豈知石上斑
元是鉛華色臨春寂寞香霧收景陽月色空生
愁金陵王氣無消歇丹陽翻作皇神州市朝多
改易輦道生荆棘瞻望青雲中勾陳連太極野
雉麥上飛鴛鴦出蒲間蓬生狹斜中日暮車不
還車不還其奈何西園遊子傷心多

清涼臺

清涼寺裏清涼臺交巖互磴青崔嵬楊子江邊
白鷺洲白雲紅蕖長悠悠都門蓮已落蟬聲滿
城郭躋跳丹霞端乾坤忽開拓霸陵黃屋翔青
雲鍾山紫氣何紛紛秦淮水接建章宮銅溝亦
與寒潮通層樓累閣分朱邸主第侯家相對起
瓊臺砌斷金沙路鞦韆亦在青槐裏翡翠常銜
蘇合香鴛鴦只浴臙脂水

郭索篇

江稻初黃五湖白鱸魚作風霜滿天吳淞江頭
晚潮落郭索公子來翩翩戈矛森森螯足軒背
負玄甲能橫牽吳人啖之不論錢瓊膏玉髓宜
烹煎香橙作齏蓴作羹橫斜錦席相勾連金筐
未啓先垂涎象箸急啄臍峰豎玉壺相映傾紅
蓮山人綠髮俱垂肩湖鄉無事茅屋暖今歲仍
逢大有年杖頭縣得看花錢醉後橫眠桑柘田
郭索郭索與爾長相結每舉一斗贈爾風騷篇
搗衣篇

夜迢迢草白露寒衣未曾絮碧杵白玉牀桂花
新水香長廊曳屣踏月光莎鷄出戶螢入房金
井梧桐生夜涼涼風起聲轉促繡閣瓊窗滅紅
燭悽悽玉關情秋來亂心曲

龍江驛曉發

朱門欲開猶未開煙花已簇鳳凰臺龍江棹歌
天上去魚鳧春色鏡中來星流寶匣青霜劍柳
拂長亭綠酒杯白狗赤鷄何處去王孫原上起
塵埃

蘇未 桑乾河

桑乾八月寒胡中射生早彎弧決封牛群匹醉
眠草白登山頭熊夜啾胡人火獵無時休并州
小兒慣廝殺夜半竊得丁零頭左手接飛鳶右
手挾雙矛馬上吹胡笳揚鞭入朔州嫖姚帳前
交首級但問幾顆能封侯吁嗟處士在邊不用
憂

蘇未 春日鷄鳴寺

江南楊柳空青青江邊路好無人行不知爛熳

花何處空聽嚶嚶竹裏聲鐘山王氣連宮禁臺
城佳樹鬱春晴獨領風煙無飲興晚來吹笛最
分明

交首鞦韆怨幾時猶待和對出士女不用
丹楯朱干傍花砌青絲流蘇兩頭繫葡萄結束
相思帶玉釵斜挽盤龍髻對對來尋花下繩雙
雙去作雲間戲難銷寂寂玉樓情可惜青青芳
草地玉樓易斷腸芳草令心亂空上鞦韆架春
愁未曾斷

虎山橋

初出山腹中復見水行處透蓮得平墟蒼茫意
回顧山梁不爲高延攬自成趣風條薄林翠珍
木接葉香前葩未及瘁後萼重競芳朝遊屢過
烟霞石夜宿曾投松栢房從來不識銅坑面今
日青青落吾掌上崦何明媚下崦亦清朗楊花
飛飛青錦陂苻葉差差木蘭槩前帆乍減後榜
興長川引領雲憑憑游絲亂起煖氣昏須臾不
見西華村東風吹亂鷓鷯羣水西顏色何紛紛

繫馬芳祠忘夕醺

芙蓉篇

林花紅紫上巳前
水花氣暖多炎天
芙蓉未必無顏色
日暮江頭空自憐
金風瑟瑟歇芳樹
玉肌纖薄畏寒露
洛神魂魄水晶宮
偏從涼冷生嬌妬
擬採月中香愁見
裙上霜清歌溪中
女打槳驚鴛鴦
莫翦紅雲貼碧紗
常憂鏡裏銷丹霞
錦心不待傳書鴈
處處臙脂浮落花

蘭花發香

蘭花發香天尚寒
旭日初乾池上露
碧窻圍鏡菱花開
闌干一曲櫻桃樹
我懷佳人天一涯
開函炯炯瓊瑤素
春風惜別鳳凰樓
夜月淹留桃葉渡
長江不見雙鯉魚
顏色分明夢中遇
滄溟本來無人境
十洲茫茫隔煙霧
勾吳繁華長不知
忽報人間上元度
我欲乘黃鵠東作汗
漫遊看花延陵市
聽笛鳴夷舟
王孫園上多蝴蝶
去沽美酒能消愁

秋圃篇贈秋逸張子

美人結巢近蓬島
虞山石室秋風早
珊瑚枝頭日影來
芙蓉屏上霞光掃
昨日白露涼
今朝紫芝老
山中惟有黃花好
雙湖宛轉夾玉鏡
七檜婆娑摩碧昊
東村刈葵藿
西村採瓜棗
黃金籬邊藉芳草
真遊何必問雲泥
百歲無如一潦倒

西溪曲

西陵花落遲西日
多餘輝
鳧流鏡中雪
煙結潭上扉
漁子歸來水未黑
石樓捲幔看霞飛
東菑多禾稼
不如西疇
美東月雖早
生還落西巖裏

百重碧樹閉門深
千畝芙蓉抱蘭芷
茱萸結作囊
甘菊釀成酒
橘搏爨兮楓葉丹
明日山中是重九
綠雲滿地紫蟹香
猿啾啾兮啼夜霜
南園公子北山叟
相逢共醉鱸魚鄉
西風鳧鴈正滿塘
湘江美人各一方
江空木落情茫茫

相思行

相逢何日短
相別何日長
夢見不得親
恍惚生淒涼
香囊舊縮同心結
玉匣曾留明月璫
明月照綉房
香囊繫肘後
當時長生酒
年年同君壽

天地本無變人心不逮舊秋風吹落瓊瑤花錦
衾歲歲遺天涯寄書日費三青鳥候望虛乘白
鼻騮金鋪夜夜鳴彩雲朝朝起忽上南山巔還
憑北窻几瀟湘雖渺茫只隔一江水東園連理
木同枯復同綠西園比翼鳥同飛復同宿同飛
同宿物長情却怪人生離別輕

重小採桑篇

朝採桑夕採桑長安春盡煙草長釵頭網虫結
鳳凰朝來暮去不滿筐不滿筐多縈牽誤折合

歡枝青青雙可憐踟躕未能去黃鳥鳴枝巔鳥
鳴轉悽惻玉腕雙無力紅塵綠纈暗天涯舉頭
日暮空太息本擬春蠶繭成疋縫衣寄與隴頭
客綠錢遶樹無心採暗滴臙脂浣裙碧浣裙碧
臙脂銷愁心欲寄路轉遙蒼苔晚來濕羅襪東
風暗損羅敷嬌嬌易損恨難酬千絲萬纈徒綯
繆夫君若識金閨意不使佳人空白頭

陰山風高

陰山風高馬毛縮沙場草枯無苜蓿單于射雪

歷代詩選
明苑九述
三六
蒙縵胡穹廬夜炙熊羆肉樓煩將軍來款邊雲
中萬騎俱爭先漢家飛將鋌槊鈇斬得月氏頭
血鮮陣雲蒼蒼暗紫塞長城殺氣連狼煙朔方
孤兒不畏死死中求生報天子髑髏如柴身捷
輕瀚海北去屠龍城歸來不愛黃金印但羨麒
麟閣上名

覆舟山臨望

覆舟山頭霽景明長松落落崖石平廻巒秀嶺
低復昂傳聞此地爲臺城南望建章宮佳氣何

鬱葱秦淮樹中流遙與宮門通城中萬井如漆
畫楊柳煙中分紫陌內園蘭桂浮温香戚里池
臺蕩朱碧鳳凰樓閣無處尋臨春結綺作梵林
樽前却是樂遊苑市朝更改成古今登臨易頭
白銜杯落江日廻望北湖煙蟬鳴樹蕭瑟秋波
慘淡荷芰花玉鳧錦鷄踏浪霞西曹已鳴馬東
署復報衙冥冥壺底月寂寂城頭鴉停琴送盡
飛鴻影引領天邊不見家

進酒行

冰盤清寒沉李赤蔗漿調和子鵝炙炎天何處
生冰雪月出花香好留客麻姑井泉金汁濃水
晶壺瓶傾琥珀巴渝身輕捷越女天下白曲易
終懽無極有客白首鶴氅衣手持如意生寒輝
清風揚揚起江漢坐來黃鵠衝天飛天河出烏
鵲回短簫颯颯生清哀哀懽苦樂不可知良辰
美景懷須開劉伶不飲今在哉

東昌郡光嶽棲

博州城高日未落城中巍巍千尺閣南瞰黃河

北眺燕百川羅絡臨中原風煙頃刻生杯酒登
臨令我心茫然匣中雌雄劍隨行二千里踟躕
古今事欲舞客不喜秦雲忽然低岱宗參差起
平望箕斗開好與牽牛語魯連下聊城千秋仰
名義高臺尚青青未識射書地鄆州節度何不
臣銀槍效節空危身 聖明一統無戰爭緣河
輓粟舟鱗鱗城門不用玄甲守河邊古戍花蒸
蒸馬馳匝匝嘶入雲鳥穿簾箔啼向人芙蓉屏
開宿翡翠沉香火底薰麒麟昇平自古變繁華

歷代詩選 明苑九選
青樓大道歌聲新臨觴欲飲天色晚層闌佇立
傷吾神

蟋蟀篇

露蟬盡抱枝頭枯黃葉已逐秋風去空山夜靜
深閉門何事啾啾達霜曙候蟲變時事更江湖
催促遊子情戶之樞牀之足愁人不寐起秉燭
十月未授衣九月未築塲歲寒始怪農家忙
嘻夏屋爾何爲欲祭先農無酒漿

賦得彭蠡湖呈盧識方兼柬屠秋官

秋水鎖潯陽南浮一何斥沮洳連八州吞吐貫
七澤諸巒信遙分廬阜多黛色朝窺松門鏡夕
憇屏風石盧君旣豪邁屠子復俊逸跨霧出輕
橈凌霞挂長席馮夷未息鼓龍女已吹笛韓終
去不遐石髓應可得瀑布能生八月寒石梁分
明駕丹碧二妙乘虛真快哉飄飄俱作雲端客
嗟予有興莫爾從西瞻徒跂山中鳥

北門曉行

燭下銀塘流水長馬前山色曉蒼蒼朱樓未滅

明河影碧城已動晨曦光雞唱悠悠度禁邸螢
飛點點刺衣裳三年遊子離鄉思聞闔門高露
早涼

花村草堂爲李子原承歌

新河渺渺楓橋浦百花叢中有香土書生卜館
面西山十里青溪抱東戶青溪抱東戶水鳥群
無數前朝勝境開華洲今代書聲讀芳杜南峰
高北峰俯日日飛雲呈窻廡上沙水下沙土翠
波粼粼織成組我昔投宿堂背樓前村夜過清

明雨千巖發彩流朝霞茂苑騰光盞碧宇櫻筍
煙籠文藻軒鳩鵲岸送樓船鼓飛梁畫檻盤彩
虹菡萏湖邊女搖艣宵長忽逝寒山鐘月落猶
揮石牀塵十年不上李子堂金陵城邊話江許
徒令風景形夢寐何由復作花前舞題詩先寄
花村主

春歸辭

上陽花枝雨半濕長樂遊絲幾百尺遊絲捲花
一處飛黃鸝正繞平章宅春閨沈沈蘭氣蒸佳

歷代詩選 明齋九選
人拋梭坐脉脉含桃如火梅子青無因持寄關
山客文園多才病長卿朱儒亦笑東方生春花
攔門不肯出出時但見百川萍春色偏增朱閣
愁韶華豈是羈人情酒尊生魚奴不滌綺絃濛
塵無客鳴濃燵不散龍池柳清夜猶聞玉樹聲
揚雄榻畔書遮眼逸少池邊筆堵門長江便在
金城下白馬朝朝一過園郎官閣上春何渺桃
李陰陰竟不言
贈沈博士春波

京風颼颼初落木休文乘秋入林屋看月同登
蔣濟樓採藥遙尋子真谷余家柴門宿荒草竹
下開窻通白鳥秋眠推枕月高春時撫闌干坐
木杪沈君過我不厭寒問我著書完未完寫經
欲就松間露探老猶疑甕底丹君言山高水長
重復重應有奇物生其中文章渾厚得元氣千
古不朽必此翁多君愛我謬見推顧我不足爲
君知角皓曾煩漢皇詔劉根枉致人間疑坐君
且對橘間酒來日山中九月九白雲本是予家

物青芝匝地非君有送君乘風返不見書畫船
但見虹霓貫牛斗

諸友泛舟石湖還次治平

水氣連山靄晨遊夕未窮
爐中懸礪暝天畔躡
雲空新月在潭底
百花燃鏡中
竹房禪榻隱處
處愛山翁

讀治平下院

水房虛繞竹石壁
細生霞冬入經深雪
春歸盡
落花礪香來白鳥
草綠闌新茶久與交遊隔空

疎顛佛家

秋日

下阪人離嶠朝原鳥厲空
江輝混遠碧林影間
疎紅竹宇新開小花房
舊訪同青崖有石髓杖
策向穹窿

與徐士瞻宿青白河

芳草天邊暗春江樹杪來
黃花開繡陌白鳥下
青苔未盡同舟意聊酬看月杯
三峰黛色近不
奈曉程催

暮春

萬里月當戶郵亭花滿枝
行人花下發短笛月中吹
坐覺春光損頰驚斗柄移
天邊芳草綠愁緒細如絲

夏景

樹色分青礪峯陰轉綠池
岸明荷散綺樹亞果垂脂
掃石方無事停琴欲待誰
相思隔芳草酒畔有黃鸝

江鄉臨小浦暖氣動螽斯
竹日陰初合荷風澹

自宜尊前聊共醉身外本難知
物色朝朝變空然悲素絲

曉起

竹色衣全綠林光露未晞
隴猿催夢曉塞月墮煙微
別恨琴中語流年客裏歸
悠悠花上蝶偏作合歡飛

不陸江上

都門客未發不奈桂陽秋
叢菊開何晚清江寒自流
孤雲緣路細殘照出亭幽
舉目悲黃落郊

原無盡頭

雨中過馬禪

不到東林久穿雲覓皎然
花開古甌鐵樹合暮鐘
煙展齒愛蒼蘚吟筇因
白蓮鶴歸僧起定細
飲竹爐泉琴中語
春去
謾說春歸去多情無計
追勝遊須秉燭餘興獨
臨池鳥怨花飛急杯嫌
月到遲三眠楊柳足正
是浴蠶時

王儀部欽佩寄曆日禁林百

東風動沙苑海蛤帶春潮
驛路梅先發江城雪半消
天寒茅屋小日暮尺書遙
傳語嘉魚使因君滌舊瓢

王儀部欽佩寄曆日禁林百

又見王正月春官是故人
東風鍾呂變四海政刑新
驛使江楓遠緘書雪案親
玉梅花正吐爲拂素冠塵

經主第二首

歷代詩選 明 蔡九 卷五
草入行宮綠花開舊館紅金枝香漸遠玉輦恨
難窮礪已無脂到山猶妬黛工叢叢原上蝶留
客立東風
古碧蒼苔斷寒渠碧瓦深燕頭猶掠鏡草纈尚
同心有井分宮路無塵接禁林百年恩澤盡惆
悵沁園陰

懷顧全州

憶別長沙客猶驚帝里塵霜飛兩地月草結百
蠻春舊賦傳鸚鵡新詩得素鱗東歸紅日近直

道豈難伸

寄羽士朱秋蟾

道隱甘虛寂松窗曾共棲夜聽笙學鳳朝見鼎
生霓望月雙桐遠懷雲古洞迷法成能跨鶴何
月下青溪

讀大雲菴

不畏溪流曲來投佛院深春遊花拂樹午憇竹
停陰待月常虛席因風一灑襟冥然無感地忽
自弄幽禽

送楊儀部入南峯

解組能輕世尋山爲著書巖房舊卜築霞舄日
虛徐佳麗望殊遠高明興自疎無心伴禪寂但
仰子雲居

倚杖

林端立杖晚潭上好岩扉水淨花頻見山空鳥
不歸絃聲青磻遠秋思白雲飛天際書難致亭
臯送落暉

寓樓七夕

玉樹歌清夜金風吹早秋迎僊列桂節試巧上
針樓星幕疎螢綴花筵積露浮朱門天漏切行
旅數宮籌

祇園寺

空門靜雲水古木亦蕭森鐘鼎丹砂厚碑文綠
字深溪光動靈籟野曠颯秋陰放棹過潮去青
天疊翠岑

京口舟中同錢孔周

丹徒古輔郡鐵甕勢雄蹲山盡逢江驛雲消出

海門晚霽日銜嶠新沾花覆樽長歌愛錢起慷
慨壯征魂

過毘陵懷鄭蒲澗

數尺宮牆近三年見面難迎車寒草綠送客晚
楓丹無作酬關尹留詩寄講壇梁溪今夜瑟空
復月中彈

春陰

春入吳宮久莓苔凍未融花枝愁社日玄鳥怨
東風鐘鼓樓臺晚旌旗戍火紅不因風物感吟

味興難同

春盡還山中

山霧忽深黑柴門寂不喧春寒逼短褐朝雨壓
孤村粉蝶愁花信香羅積酒痕清明看又過桃
李獨無言

西虹橋

引領煙無際憑虛念自深雲回浦川鴈秋起一
城砧颯颯閣侵暮纖纖月上林扁舟從此逝把
酒思何禁

靈隱觀

門偏繞青山地遠迂朝鞚水明花對開天寒磬
孤送遐瞻極宮闕清遊命虬鳳手把芙蓉枝道
遙發玄諷

碧峰寺

東林金磬遠西寺碧峰深秋淨宜松影天晴喜
澗音空山有蓮社靜室臥朝簪海鶴悠悠起知
余雲外心

觀音閣

蒼崖犯日道地軸隘江心楚望秋無際吳關塹
已深芙蓉朝可採龍笛夜虛吟正是重淵上還
憂頃刻臨

春陰

春陰三十日愛爾晚晴宜月閣水南嶠花明潭
上枝得來魚尚活分付酒行遲山路村村穩何
妨倒接籬

人日山閣有懷

朝雨歇樓閣寒泉開竹房江湖春緬邈沙墅晝

歷代詩選 明蔡九遠 五
微茫錦瑟燈前約紅梅雪後香沙鴻飛不到日
暮怨天長

鐵甌草堂爲馬子子遇賦

溪接帆涇綠園分吳苑陰虛堂不出郭嘉木自
鳴禽點筆看山近藏書種竹深莫彈歐冶劍千
古有龍吟

秋景

曉蟬聲不發寒露滿空園儼候靈山磬愁聞白
下猿花開隔江岸葉映遠人村記得雲生處重

臨石上尊

石壁懸秋水連環鎖釣磯日沉江閣動帆駛岸
花飛山磬寒相答漁燈晚自依關門今夜箇似
怨柳條稀

送張元之還道州

載去金陵月君行興不孤山青過湘浦雲白近
蒼梧室遠思風采春明麗壯圖隋珠不彈雀莫
恠衆中殊

燕

何事今年早江鄉雪未乾拂衣憐草短穿幕避
春寒世苦謀家切禽猶擇主難含桃有新粉
絮繞簷端

泊菱溪懷白貞夫

未卽分高榻還應見客星空餘江上笛誰共月
中聽別墅多秋色名園散館亭經過難致款回
首水冥冥

秋日秦子玉過玄秀樓

空谷嗟無侶青山只對門問問應識樹話舊且

停樽晚碧虛搖閣秋紅遠見村藏修休問稼角
皓已殮蓀

訪文壽承休承憇聽松房

崖路登登曲鶯啼求友朋園香池竹長林暝水
霞蒸蠟屐終憂蘚綸巾反避藤藏修經歲月乞
偕與山僧

勞鳴玉讀孤園

讀易千巖裏令人想綠蘿秋來紅葉亂臥處白
雲多茶竈因泉寄山經選石磨竹邊樵路熟霜

後擬重過

送潘子汝亨還廬江

秋光不覺盡紅葉已無多半載同山寺天涯奈
別何短檠猶掛壁長劍不成歌片月隨君遠丹
崖空綠蘿

六月豈無暑林間獨洒然鳥啼三面竹雲動一

池蓮已蛻塵中骨誰叅石上禪鍾山有餘翠終
日墮杯前

虎丘退居集友人二首

磴從天上轉林忽水邊迴芳草未全歇白蓮將
又開鍾鳴雲起鉢客過雨生苔四境盡空寂禪
牀安在哉

檻外斜吳苑林間促羽觴池花搖暑淨泉韻雜
松涼念別經時久重來笑容忙小吳軒裏月臨
發戀清光

暮春山居

斜廊下塔影半嶺送湖光紅霧花藏島寒泉竹

隱房空虛時墮翠寂寞自生香客過蒼苔合翻
經日漸長

送陳子啓之

春去開門綠鶯啼畏客歸舊溪經樹合片石自
雲飛讀憶松間火吟虛水上扉已通南澗鶴莫
棄北山薇

武城次文溫州韻答徵仲

柳市聞黃鳥雲中見碧城春回桑柘美人問縣
官名古戍雙星淡危樓孤角鳴愁兼風共雨白

髮幾莖生

慶壽僧房集蔣子雲薛君采文徵仲王直
夫分偏字

幽徑停驂偶禪房曳屨偏苑西花雨夜河北麥
秋天岸憤陪揮塵攜燈照促筵月光松際動臨
發更留連

張子言方遊海印問寺前荷花

香閣千林靄冰池十丈蓮水流天闕鏡花湧佛
宮煙海岸知緣斷鷗房但夢懸客遊方病渴乞

與碧筒圓

初得南翰官舍

短墻依老樹土屋稱寒官池涵秋無藻麻深草
結壇竹陰鄰舍近山色過城看病起無公案方
知吏隱安

齋宿

驛使催乾鵲齋居廢曉眠霜籠官道月木翠故
官煙朱邸聞鷄早銀潢度馬堅天河光未滅正
掛玉樓前

送顧豫齋入賀元旦

畫戟凌霜發江城花未空雲開天路碧樹近驛
樓紅待漏千門早朝元萬國同共沾周宴喜春
藹大明宮

謝陳孟錫見過

曲薄遮花短青莎入徑深征霞朝到幕宿雨晝
藏林茗熟還生靄泉寒亦照心長違學士席坐
對阿戎吟

毛浣亭督經席看菊

上苑秋光別南軍幕府清簡書多暇日籬落見
高情花發金錢委泉香玉醴傾莓苔三徑曲半
醉踏霜行選出雷泉寒亦照山是豈學士激坐
曲驚馬太學宏道投刺追之不及庭幕前雨晝
空破青苔色難追白鼻騮風流殊想像契闊亦
咨嗟伏檻虛停塵呼童謾折麻石城今夜月只
尺恨天涯予聞早歸云其國如
書輝冬日金進士子有馬太學宏道金孝廉子
坤以酒過館贊云

旅館縣青野天寒繫白駒村空散田雀霜疾響
江榆已接高談勝殊躄古調疎城南候新月臨
別立須臾

公事後 禁門

龍輻金鋪麗蜚廉貝闕縣燕藏朱戶網花隔綺
疏煙刻漏虛銀箭宮槐積翠錢瑤臺夜夜月不
復妬嬋娟

張曉川吳慎齋二選部以酌過舍奉謝
馬穿官巷柳風急上林鶯朝雨到門歇春莎委

歷代詩選 明嘉州選
佩輕茶敲別院杵酌動越鄉情客散江煙冷青
山只對城

鄭少野作國子博士

曾誇金百鍊終道壁無疵作吏家如洗移官橐
可垂冰銷鱗盡躍春過草應知此去官墻大陽
城是國師

限立送湯太學子重

春盡傷羈旅逢君又告歸尊前花易落夢裏蝶
空飛草暗教停轡江濃詫染衣吳蠶四月老盧

橘到應肥

春日院署

官舍連東闕風微上路香九門寒漏近萬戶輓
轡長鳥啄青苔石雲藏白玉堂紫薇花逕改呼
吏洗垣墻

夏日觀園

古木陰氛足荒園側徑通荷花軒候月竹葉盞
流風槐吐繽紛綠葵留深淺紅開門驚夏潦家
與白鷗同

在座袁子邦正何子叔皮

華京競佳節綠樹蔭行游竹暗藏鶯塢花明夾
水洲開簾浮藻礪徒幕過林丘薄暮難終賞還
爲良夜謀

小暑日張月鹿何叔皮至館

朱光下簷隙綠影蕩簾間魚沼平翻藻龍城曲
抱山升霞久延佇挹翠共乘閒新霽從曛黑天
河照馬還

甲夜望弦

青山抱陵闕疇野綠肝眠落日餘輝烈明河素
景縣清尊候皓魄甲夜想初弦江館疎簾幕更
深螢細穿

乙夜聞蟬

溶溶新月色嘒嘒夏蟬聲竹澗煙房曲花洲星
露盈官如陶令拙祿比漆園輕城上烏棲早金
門酒細傾

丙夜氣爽

赤阪金沙道青門玉樹林廻渠魚出藻曲杜鳥

歷代詩選 明蔡九遠 五
爭陰月擬登城候蟬方接路吟悠悠川上思其
子晚蕭森

丁夜遲所知叔皮至月鹿失期

青渠導靈沼藻景帶華林荷芰擎新蓋篔簹貯
綠陰徑荒稀過屐石蔓想鳴琴月亦憐良會更
深雲不侵

辛夜

夜市平臺曠銅陵激澗流仙娥開桂殿溪子泛
松舟跨漢星橋迴經天虹帶脩綠煙當夕滅涼

送玉壺籌

韻蘇癸夜大圓發華

過雨蘭林爽天邊玉鏡高珠光流寶樹星海燦
金桃樓管悲秦史江絃託楚騷夜深清不寐倚
檻聽銅刀

秋日城南訪友值陸子叔平

葉隱前村寺花殘白露汀長煙遙帶水斜照淡
浮垌雲裏天扉紫江邊輦道青都亭爽氣疾歸
客馬難停

中秋後六日楊鳴卿惠雞頭

蒹葭岸正白雞頭
葉已黃京華常旅食
秋風思故鄉
幕解珠璣動房開
玉粒香吳門殊不遠
驛使意何長

贈黃五嶽

夜泊依淮水朝遊雲月移
高縣季子劍行載董生
帷桂露叢初藹江籬香
細吹金城遞秋響霞館積新詩

毛純嘏召飲朱雀桁

六代市朝改千春風土嘉
江流雀桁月桂散石城
花瓊樹照綠水芳洲生
碧霞銜杯歌舞地秋興浩無涯

送張西谷

茂先偏博物顧我意殊深
客倦辭梁苑秋悲復楚吟
空江明月棹高興碧霞岑
別後魚牋早無令霜滿林

秋日

楓疏映天遠草蔓護門深
砌亦朱華冒簾常綠

歷代詩選
蘇侵園香三夜雨鴈過一城砧已畏洞庭晚休
添楚客吟

贈許繕部仲貽

秋前一解榻霜後未逢君
村暗愁楓葉書香憶
砌芸閒居堪養望館職已
潛分瓊樹天寒香頰
顏數借薰

興
秋懷

鴻鴈書來澗蒹葭路去長
空懸秋帳月却慘石
城霜天遠楓逾紫江深菊
故黃綠知彭澤酒不

逮向平莊

書
冬日

垣缺東家近門偏細路通
臨江理琴綠拾葉照
霜紅香稻新炊酒寒花亦
映空蒹葭渺無際日
日報哀鴻

仲冬望前候石民望于雞鳴山寺

紫陌北來長青山繞建章
車輕遊服緩冬暖禁
冰香不掃苔霜積留遮石
徑荒遺書候禪室坐
想竹間房

寄吳泉亭駕部

燈火搖江館尋思夢寐人
鴈迷天際雪梅阻楚南
春身與官俱病名隨道
轉新新詩幾千首盡掃
百家陳

四月三日

汀洲見荻芽候鴈發天涯
豐草三春暮長楊夾道
斜彤簾隔新月綠沼漾
餘花予亦桃源客家書
問若邪

梅雨

麥秋涼間暖梅雨復斑斑
茸綠朝平野嵐青日
冠山游鱗躍藻去新蟬
吟葉間金門雖奉粟慚
愧子雲班

虎丘濟公房赴鄭子

綠槐夾岸行青苔傍池曲
啓蔓窻玲瓏入竹衣
芬縹長勤暫爾休小憇
條然足來遊藉諸兄終
允他年卜

山行

登高換屐忙雲氣惹衣裳
裹茗思泉寺聽鷺覓

歷代詩選 明苑九選
竹房鳥啣梅蒂落雨放蕨苗長三月過三十青
林漸隱藏

春朝

春陰細細開去掃竹中苔倚翠虛屏遠憑湖近
照來梅寒輝動玉泉綠氣侵醅江漢無桴鼓衡
陽鴈想回

雨後劍戲亭

山凝碧戶光雨後徙方牀礪氣蒸林濕蟬聲夾
樹長竹陰園少暑荷淨水多香老慢江湖上圖

書愧日荒

小鑿荷花正面池立遲啓宏同觀不至賦
白雲而去

朱華四尺長綠蓋倏齊光喜鑿山爲沼俄驚竹
上堂豈非湖四面宛在水中央久立微風動幽
馨襲我裳

吳駕部惟新書來奉答

十年不見草玄客高秋忽夢山中人鶴書天青
發海嶠鷺渚霜白開江蘋文章臥著千家玉園

歷代詩選 明蔡九遠
圃兼收百藥春莫道相如全不遇君王求訪晚
彌親

冬日東門道書來奉答

東門緩帶步金坡鍾阜流煙繞礪河霜後故園
無橘至雪前天氣似春和疎絃古澹時堪撫雄
劍悲鳴獨奈何果是帝畿平若砥江邊官舍
白雲多

送大行張春江

高谷朝花簇酒筵仙郎勒馬謾揚鞭蒹葭岸白

月滿地楓葉樓紅霜接天內選只今推舊望臺
遷何必待新年春風易到秦淮柳常苦懷人萬
樹煙

寄王太常履約

天邊鴻鴈真稀濶袖裏魚牋久不磨秋日澄江
採菰米燕山明月夢朝珂中華正朔今彌遠九
譯蕃書覺更多但取一身當殉國越城休問舊
煙波

雨花臺諸院有約

石城雲寒慘野色江蘋花白聚沙禽池邊載酒
開青壁霜後停車傍緝林落鶯天低飛錫遠磨
崖人去長苔深斲眠北院敲松火忽送青巖清
磬音

高座寺赴毛督經

高士朝開竹裏厨衰翁攬轡坐香車千峰搖落
秋無際半日登臨興有餘能賦參軍推鮑照倦
遊辭客笑相如莓苔不滅磨崖處秃筆橫斜老
更疎

送謝與槐侍御還京

柱史南來便北征碧桃花下發江城春冰不濺
青驄馬客夢先遊白玉京謾整衣香趨寶席遙
知冠露濕金莖太平華袞雖無闕要盡夔龍夙
夜情

二月四日內東門北行

輕度籃輿水上霞新年綠草合金沙遙聞煙磬
過野寺忽報江梅著晚花社酒未闌鴻鴈去朱
門深鎖柳條斜東風日變春禽語聽說溫泉欲

破瓜

答皇甫百泉

使君病裏多吟思
候館東頭有禁鷲
絀扇舊歌憐漢月
芙蓉秋色滿都城
馬卿未倦休嫌渴
謝客耽遊但寄情
莫怪少年辭藻盛
柏梁新體動西京

懷蔡子木王維禎二大行

南冠我客燕臺久
二妙乘春發使輶
雪後岱宗開日觀
花邊候館插鷄翹
清塵不染驂騮足
錦

翼齊誇翡翠
茗莫道故鄉相見易
兩年芳草碧空遙

朱子价咏桃花感而有贈

朱郎臥處閣炯炯
桃花思好日氤氳
不愁石棧諸天雨
獨占鍾山四月雲
夜莫鼓琴驚水底
時應攜簞借香薰
竟忘身在玄湖上
却怪尊前白鳥羣

高座寺赴友人

城南載酒四月節
籃輿乘興梵王宮
碧鷄報午

坐良久青磴穿藤去忽通天際江流乍明滅雨
中山色轉空濛游絲繞樹烏啼疾麥秀寒多避
晚風

陸進士斯立歸洞庭

朝來細雨飛不已正惡垂楊暗短亭萍草浮煙
海色綠游絲遮馬竹枝青山中燕壘蠶叢老湖
上魚蕪鰕菜腥蒲塢白雲當閣鏡陸郎乘夏訪
予壩

四月寄陳啓之

書生寄跡高明地却憶山樓四月天檻外落霞
紅映酒鏡中飛鳥白衝煙三遷逆旅真成夢一
臥京華動隔年湖上綠蘿誰獨往陳臻聞說斷
芾編

金方山至館

雲霞氣暖晨蒸樹楊柳風多晝掃門紫陌正連
天上路青山還抱苑邊村軒迴綠沼籠花藹徑
入蒼苔喜屐痕陋室也須終日坐話言真可鬱
琴樽

新春旅懷報東橋中丞

門徑斜斜一半荒
 鍾山終日抱茅堂
 春寒尚苦鶯聲澁
 雪水新生魚藻香
 白鳥寄書三月到
 青崖歸夢十洲長
 故人唯有逋翁近
 未得籃輿探錦囊

初春南城

綠靄遙生竹裏厨
 山光難得上衣裾
 籃輿出郭青溪暖
 茶竈投僧碧館虛
 雲石細尋泉湧處
 松杉常似雪消初
 仙人餽得金壺汁
 說法堂高好

漫書

清明日張月鹿至

鷄聲東傍禁城隅
 官舍青青繫白駒
 上苑花枝淹舊雨
 御溝楊柳發前湖
 風光未判春多少
 絃管難明恨有無
 綠草漸高隄漸沒
 憑君推牖瞰鷗鳧

送顧東橋巡撫荆襄

虎頭久繫臺中望
 螭尾新瞻閩外書
 帝勅荆州殊有意
 楚誇雲夢未為虛
 九溪部曲迎牙纛

歷代詩選 明嘉九卷 六九
三略文章照石渠處處江山好籌筆仲宣樓北
雙停車

春去

萍藻經春高石牀水亭終日柳花香坐忘屋裏
青山近臥起天涯綠草長楚國登樓空作賦梁
園啼鳥苦思鄉東欄芍藥三年別誰護西湖夜
雨狂

東園錦衣冬日第館有作呈座上

重開畫閣看懸像細簡牙籤閱舊題霜塢每憐

紅樹果石林堪護綠苔泥飛梯接月簾常捲複
檻圍花徑易迷風景有餘人品勝信陵高致果
難齊

北郊齋居院中有懷

梅陰未散洗亭除藥蔓猶能上翠裾竒樹古苔
經砌滑修篁新粉入軒虛百年典籍歸金匱前
輩勤勞重石渠想像紫薇花下月玉亭南畔興
蕭疎

午日候諸友庭下小葵如蝶叢改名蝴蝶

歷代詩選 明嘉九選

花因亦入詠

吏隱鍾山寂市譁鎖門槐柳陋還嘉芙蓉葉淨
低迎杲蝴蝶花輕悄暎霞青箬賽江縣虎艾綠
溪連海長魚沙天涯不辨端陽節聊擘菖蒲款
歲華

立秋日客去與啓之靜坐

蟬噪乘涼江雨輕芙蓉沼上午陰生東家樹影
屏間綠北澗泉聲雲外清屐齒乍臨驚夢破苔
痕新長與階平漢庭侍從今虛曠不是文園嬾

送迎

朱振之館鷄鳴山樓有寄

誰縣臥榻秋風閣遙憶茶爐傍竹氛黃屋斜窺
中禁邸青城常抱北湖雲蓮花刻漏驚朝夢簷
蔔濃香鬱典墳一月安禪留不得空令猿鶴怨
遺文

秋盡思歸致文衡山

作客金門幾歲華秋深江上轉思家去鑽角里
青楓石一吸吳興紫笋茶傍水看花人在鏡披

歷代詩選 卷九 步嘉
雲疾草墨如鴉碧山與可相邀近雨後籃輿步

禁門值雪

輓轡聲咽 禁鷄殘紫陌塵銷臘雪乾夜素深
埋金鵲隱朝輝高結玉門寒枝枝畫戟天花綴
冉冉龍池柳線盤貝闕東頭歸院落據鞍爲爾
數彈冠

上巳日端居

處處穠花映水明水邊花氣鬱龍城煙霞盡在

山頭寺羅綺偏圍竹裏鷲 帝里韶光春酒倦
天涯綠草客魂驚風塵最苦長干道讎覺端居
有勝情

別寓館

郎官宅裏舊簾櫳鷺燕頻來認主翁霜月寄情
淮水上煙花迷客秣陵東梁園倦後思家切角
里閒多卜館同松菊未荒誰爲理先將栽灌教
兒童

寄文待詔

湖外尋湖山外山與君無事共乘閒高追牛女
百重巘伏撫芙蓉千澗灣白石採芝留客飯綠
蘿懸榻看雲還羲皇上世由天鬻不用丹砂自
鑄顏

寓別陳石亭侍講

黃花徑裏若迎我桂子香中我別君倦客光陰
聊戲墨晚年情境莫深文雨來多放樽前竹屐
過仍留石上雲髯老錦衣園第近漫追啼鳥撫
江濱

坐公春日城西補諸友

杜若洲邊解纜輕櫻桃花上露盈盈朝雲想像
西施洞夜雨妻其茂苑鷺可怪碧欄偏傍水但
尋青壁莫論程山僧不厭遊人數又向蒼苔刻
姓名

重過包山寺

梅園新夏綠陰平五里籃輿到化城地底金蓮
殊想像山頭石鏡轉分明桑門世永香燈換輪
殿風涼佛界清啼罷碧雞僧出定袈裟相對話

三生

劍戲亭成

由來淡蕩心無累偶托高明處亦嘉四面峰灣
互丘壑十重屏障積煙霞樽香不避空中絮水
靜常看鏡裏花竹樹蕭蕭人跡少何妨白鳥入
簾斜

連遊虎丘

昨日親穿竹下籬今朝山鳥見應疑蓮花水湧
生公石蘿薜春藏陸羽祠不染游塵偏境曲但

令微服少人知年來七尺看雲杖緣在東林到
恐遲

將過越城橋訪治平寺

三江漲滿五湖平六月樓船到越城鼓在白雲
知寺近纜移青岸覺鷗輕暖思脩竹分茶竈美
愛荷花翫水程石壁松堂應不改却疑苔蘚漫
題名

陸宜經載酒偕汝德師古宜俯鳴玉酌于
園亭

草徑荒迷客到遲
莓苔帶雨石初移
杖頭樹綠山圍屋
榻下泉香月湧池
繾綣竹林煩送酒
憑臨雲氣臥殮芝
春來未減鶯啼緩
正是梅花半白時

牡丹贈漢菴師古啓宏居道

葱籠佳氣巧迴環
誰設南山對北山
珍鳥驚飛天鏡裏
紫霞深貯翠屏間
露凝新粉香殊豔
風促遊絲斷又還
弟姪翩翩聯几杖
看花無損老來閒

與伯玉姪坐談

汝看青雲路本寬
顧予惟有北山安
鳴夷舟楫真宜月
漁父蓑衣却耐寒
住向薜蘿縣榻便
摘來菰米儘盤殮
侯巴識得弦中趣
黃鵠悠悠去不還

發胥口達包山

秋水連空鳧鷺長
滄洲菰米飯初香
地寬不辨帆來影
雲起遙疑石上房
青壁常含芝草秀
朱包新染橘林霜
年年佩劍嗟遊子
莫笑南山豆

盡荒

春夜別友人

晚山橫酒馬蹄輕寂寂都門獨聽鷓鴣閣上花枝
驚夢短甬中春草伴愁生江窮吳楚東流壯曲
盡巴渝刻燭明不是新年無柳折長條留取繫
離情

入高橋門

鴈度關山玉塞橫秋高天表物華清林開虎帳
旗亭遠江轉龍城水殿明常怪秣陵多紫氣遙

從仙掌望金莖秦淮日落寒潮起南浦芙蓉鏡
裏行

赴朝陽望禁中

鎬京元是舊封疆紫禁重重鎖未央畫角常
吹城上月羽林猶宿殿前霜陂塘瀲灩天渠遠
觀閣玲瓏苑樹長鐘鼎馨香河海晏玄圭終久
頌吾王

秋日

清秋山色淨簾櫳八月芙蓉滿鏡中醉任隴雲

歷代詩選 明蔡九遠
連海綠愁禁楓葉接天紅養魚好伴鷓夷子飲
水無如桑苧翁江上美人期不到吹簫獨自向
虛空

早春

上日風清煙靄收長洲新水綠悠悠春回樹色
流鶯亂寒入花枝翡翠愁吳地月明人倚棹江
村笛好晚登樓歸鴻不待天涯暖早折紅梅寄
隴頭

五月

溪上鶯啼綠樹濃溪前樓閣水雲中江南角黍
梅時雨扇底冰盤午簟風塵尾靜還生綠靄縠
紋渾欲下青空佳期正與端陽近莫恠榴花別
樣紅

由南峰入天池

入谷也須緣磴道乘高忽又度虛岑參差石勢
雲行細寂寞禪關樹鎖深春日綺羅偏映水江
南櫻筍自成林十年不到天池寺南北峰頭費
遠尋

懷舍中牡丹

輕薄東風燕子斜
長安有客未還家
燒燈不是春山夜
對月虛懷舊館花
臥處小屏霞寂寞
夢中芳草蝶交加
天涯物候關情極
乘興思浮碧海槎

夏日虎丘

新開石閣紫芝香
遙見松杉隱碧房
竹裏鶯啼方日午
山頭人坐喜泉涼
傳來貝葉翻經古
掃得岩花鬪茗香
直北數川當檻白
晚來帆影轉

微茫

許子仁佐至

蒼蒼石壁苔難掃
冉冉棠梨葉正紅
夜見星辰浮島嶼
朝來帆影拂煙空
半牀舊草虛山閣
十月新霜思角弓
子爲青雲蹤不定
江湖奈我亦飛蓬

登縹緲峰絕頂

莫訝登高不用扶手
招鸞鶴興如何環來島嶼
人間小側去陽烏
寒色多巖下雨來浮碧靄杖

頭霞去落蒼波千年石上仙人迹爲問王喬幾
度過

海印寺鏡光閣

滄洲佳氣結樓臺圓嶠何年海上來雲裏虛無
瓊館秀日邊浮動禁林開巖深四月花猶發客
倦高春馬未回許借藤牀眠十日長安不信有
塵埃

吳門雜詠四首

綠霧丹霞人面花水聲猶送七香車啼鴛不斷

宮前路說是吳王舊館娃

錦帆寂寞駕湖非山色含顰自落暉莫道千秋
無勝事白鷗猶拂畫欄飛

已過秋浦芙蓉約懸望巴陵橘柚書山梁水殿
獨來往日日黃花坐竹車

曾傳雪後迎春韭未折江南破臘梅悠悠草色
逾冬綠昨日河橋數萼開

寄伍長坦

門前碧樹護雲沙遊子爲官幾歲華正是春宵

堪秉燭海棠亭館隔天涯

題鷄鳴山房二首

山浮寒碧水浮花石壁蒼蒼竹樹斜愛爾玉京
秋色好白雲頭上看人家

來時竹子未生鞭親見山僧種白蓮冷翠光中
好啼鳥半年人宿石堂煙

贈王慶辛

可愛名家瓊樹枝白蓮花畔看臨池武陵舊榻
模糊久畚得蘭亭玉枕碑

金陵送張仲安盧汝立歸括蒼二首

烏鵲南飛猿夜啼石頭城上素河低多情得似
金門月一路隨君到越溪

君家正任白雲峰一幅秋光在鏡中我向天台
訪瑤草蒼山應與赤城通

新年

客裘漸緩草鋪茵不覺風光入仲春東到石門
愁礪道梅花如雪擁行人

綠楊垂線拂青苔雨活香泥燕子來莫道春風

無次第山茶如火頡朝開

春日早起

谷口鶯啼蘭氣蒸
林梢鹿過紫嵯崩
石門青靄朝難散
塗盡金壺汁幾升

鄉友送吳選部置酒神樂觀

春色無多綠草齊
故鄉何處白雲低
金明門外牽衣晚
莫遣楊花襯馬蹄

王維禎大行使至有感

綠草如煙柳葉長
勞勞亭外送人忙
春深不見

王喬履空聽流鶯
步苑墻

初夏書事

水檻漸高荷芰葉
房櫳新暎杜鵑花
王官列館鍾山下
綠樹陰多集乳鴉

爲王大理白谷題谿山圖

隔岸浮雲細細生
谿山幽處一人行
春鴻去後無消息
昨夜桃花錦漲平

陸包山述李三塘見推爲題畫

披展雲山話雨中
士龍人品李膺風
荊州士論

虛叨忝借筆題詩看洗桐

石倉十二代詩選

明次集卷一百三十六

南沙集

大明

無錫莫言止著

後學曹學佺閱

開園當突與然

開園近南郭日涉聊自適卉木各葱蒨花開間
紅白力作督僮奴循行謾扶策編茅八九間疏
渠十餘尺未儼柴桑居竊比揚子宅菜熟不食
心菓熟不鑽核夜無扣門吏時款山中客歌謳
雜諧謔豪飲至一石世事問不知牀頭有周易

次韻楊儀曹君謙題國賢將石亭

惠泉在天下品味少班列公心有深眷睽遠携
未輟所憂出山去本味損其列相傳茲山石投
甕解湔雪甘冽每如故所適任燕越泉石本一
氣妙訣非有別名亭紀幽事塵想永消歇慎勿
倦携持誰當笑癡絕

玩水中新月

新月來何時娟娟影溪曲問之寂無言似愛春
波綠彎環一鉤小光彩已優渥爛若出冶金滉

漾眩人目鱗潛或羞明鷗夢亦初熟我從溪上
行俛仰趣自足良夜難屢逢遲遲惜歸躅
古意

古人遠馳使餽我雙鯉魚烹魚問起居不見尺
素書應是衷情多把筆不成題綢繆故人意久
為故人期兩心如相知豈待覩縷辭兩心不相
知對面隔九疑真魚坐長歎河水正東馳

張仲正野仙歌用琴川錢工部韻

當時飲中稱八仙趣未到此難真緣野仙又出

四明客傾蓋况在清樽前紅梅花開賞春霽朱
簾綠幙齊高舉吾儕水部本好士未是佳客何
曾延野仙南來致雙鯉中有尺素從兩錢乃知
行跡徧海壖乘春卻踏梁溪船好山好水入揮
洒意匠所至無餘牋得來贈遺多妙墨鸞儀鵠
影驚聯翩酒酣運筆等堊箒高堂白日生雲煙
豈須藏襲待他日放手已見人爭傳行囊中有
端石堅品高不肯隨時妍三花插巾笑起舞但
脫俗韻稱高賢吾歌野仙止於此此意已逐高

鴻騫

次韻吳晉卿遊金山

海門蹙處江濤重金鼇浮出何穹窿駕天長橋
倩誰作倒影先入樓船中天光上下夾明鏡漫
托焦山作隣並半空樓觀起玲瓏達士胸襟儼
相映碣石砥柱遠莫叅氣勢橫絕江之南中冷
况復徹肝肺品味豈數南陽潭江風山月世鮮
好不是飛仙不能到妙高臺上一招手挽却行
雲迴鳥道兩儀始判濁與清留此突兀知何情

顏波一障亘萬古
媧皇愚公休結盟
謫仙少陵欠題句
却有坡翁能表著
明將濯足上蓬萊
不許龍宮吐煙霧

王中舍孟端山水

春山遶屋春日長
野水拍岸桃花香
高人歸來自遠戍
樂土可樂矧故鄉
樓遲未穩徵書下
攬衣簪筆登玉堂
登玉堂山水之趣
中弗忘却染吳繪
近盈咫尺千里
江南宛如是

大山樵者歌贈固始李遠

安陽之山幾千仞
勢與浮光角雄峻
野人不識呼大山
複嶺迴崖足難進
青蓮居士遺雲仍
芒鞋資斧時憑陵
良材異卉俱在眼
用舍一一惟其應
來往窮絕徑煙霏
長滿衣白龍池頭
弄明月翠蘿影裏
迎涼颺靜欣紫霞
賞遠訂滄洲期倚
松君長嘯滅跡稀
人知邇來入三吳
又復事登陟南山
南北山北搜竒訪
古無遺力呼筆閒
施彩繪新橫琴快
拂朱絲直邂逅太
湖上一笑無先容
青春欲暮燁花空
掃花坐石開心曾
高

山流水杳無際無言默送孤飛鴻

昔人墓

昔人墓作今人墓今人知與何人作昔今代謝
如暑寒青山不改常時顏白雲笑我對青山何
不且作生前權

送人遊武當

武當之山天下奇我獨未到空懷思君今日
先我往為寄此意山靈知天梯雲磴幾千折笑
看輿人曳繩鐵盤桓歷覽神轉彊胸中自有登

山訣

整拭古琴

紛紛世上箏琶耳古樂亡來孰經理囊中幸有
孤桐枝絙以朱絲差可喜倚蘭自足繼南薰何
用廣陵傳法指有絃吾學陶公無有心不與鍾
期死小齋栢子時一焚便若置我山谷裏悠然
直作羲皇人月到窻前一泓水

海月圖為鄒永正賦

髯翁家住東海頭胸次直欲凌高秋陳編往牒

競探摘新詞吐出鏘琳瑯邇來蹤跡更奇絕踞
石中宵玩明月銀丸滉漾青琉璃空濛萬象俱
涵澈招呼浮丘揖任公下上八極神遊中丹霞
山人忽相遇片紙點染何昭融手持視我我心
醉權入濠湖竟無睡超然起望海天高捲盡纖
雲月初霽

無菊嘆

去年早劇今苦霖佳菊槁爛俱莫禁蕢施菘莽
競蕃殖人力弗揅天難諶維時九日潦未息出

門一望江湖白悠悠千古徒有懷坐對空樽日
西夕

送熊山人

山人日昨匡山來雙屩尚帶匡山苔譚山說水
神轉健白日口角生風雷方輿萬里若指掌聽
者如堵皆顏開梁清溪頭倏言別更踏何處煙
霞堆達人遊陟先海岳潢池培塿胡爲哉何時
重飲惠泉水我欲與窈玄黃胎

仁和朱彥明母董氏旌節

凌雲綽棊從平地五色龍鸞萃雕麗過客憑車
爲改容歎息楣間旌節字練裙縞帶堂中人到
此知甘幾勞悴總是皇天作鑒明亦有佳兒相
其志當時自顧嫌少年不道今經甲子旋孱然
一身壯門戶泉臺有聞當解顏清泉爲釀玉爲
膾鶴髮方添境方泰坐使吳山遊女羣一日風
聲盡沾漑

春陰卽事次二泉韻

小閣晨光慢殘缸宿燼紅春停煙雨外人坐寂

寥中土脉融猶淺鶯聲澁未工忽驚書帙亂無
賴是窻風

舟中望雲海亭時曙色未分且風利不得
泊

拂曙過青山荒亭杳靄間十年曾我到一日豈
天慳湖面雲增闊崖跟浪打頑興亡今古外鳧
鴈自飛還

次韻二泉坐月

清曉林風轉黃昏月滿庭野寒人落落地濕草

青青竹几當窗設
煌鐘隔水聽此時誰縮地一
上海天亭

北山秋思二首

十月旬將及一年秋始殘
自憐柴榻穩未覺布袍單
骯髒從吾拙尋常應俗難
古今成俯仰時復有餘歡

三日雨不絕山中天所留
泉聲琴筑和樹色碧蒼稠
言話須誰共簡編良我儔
澄然神觀寂無處起窮愁

庭蕪

嬾性任庭蕪疎簾映槁梧
雨寒先宿燕溪晚競招鳧
獨趣幽花檻時情濁酒壺
等閑今又古何用問誰吾

道在

道在從吾嬾家貧覺慮輕
閒觀乞米帖喜得煮茶鐺
情話逢誰洽詩逋積未賡
落花風雨夜一笑悟浮榮

八月十九日登雨花臺

石子爛斑草半黃
幽林窄徑轉重岡
斜陽欲下鳥相喚
急雨乍收山更蒼
萬里長江天設險
五雲深闕地生光
曇花往事憑誰問
仰見皇圖億世昌

仲冬之月獨行小圃視敗菊本咸有生意
仍得晚花一朶把玩久之

步屨籬根訝剩金
絕憐孤蹇不勝簪
貞心到死香猶在
細蘂回春意已深
寥落園池花事畢
交加冰雪歲寒侵
欲餐未忍還惆悵
賴有江梅與

嗣音

次韻楊長史崇周閒居

庭草青青生暖煙
壁間琴久欠徽絃
箋天舊草三千疏
漫興新題一百篇
林鳥巢多知地穩
水花開晚爲誰妍
到門溪漲喧漁子
涸鮒膠舟憶去年

過渠南一老亭再用長史韻酬綱菴

六月池亭飛水煙
風光宜誦也宜絃
閒談試聽皆深趣
佳製爭傳或半篇
牆入青山低正好
石

添蒼蘚老踰妍步趨矍鑠顏丹渥誰信先生八
十年

先廬

照人溪色動春陽簡點先廬未就荒簷檜轉添
霜後翠庭蘭不歇雨中香癡頑兒子聊書課衰
病形骸半几牀謝遣紛華絕馳騁帚編筠管謾
徜徉

渠南一老亭次韻

石渠悠悠南有亭亭中人物少微星新添十竹

皆紫玉恰對九峰如畫屏觀物襟懷閒處愜倚
牀詩夢午時醒逍遙此是長年國天地誰拘跡
與形

次韻為錢子山悼亡

眼中那意百年人只共持家兩度春羅帶繡鴛
翻結恨鏡臺雕玉易承塵良宵缺月窺簾竹伏
日飛霜殺渚蘋若問讀書湯茗事于今惟有一
燈親

追次王友石中舍竹茶爐韻

著眼山中茗具幽自應題品屬名流身經宿火
 三千劫骨透清風一段秋錐不入尖搏土密鬼
 難施巧織筠稠若窮衣鉢傳來處直自銷金象
 九州

次韻匏菴學士題復竹茶爐卷

剪竹攢爐爲品泉泉清惟稱露芽煎常於學士
 幽人側更在孤猿落月前失脚誤投金帳去灰
 心曾伴玉瓶眠石頭舊路誰云滑自喜歸來色
 相全

歙縣許良佐西園

其先有南園歐陽公上
荆公嘗爲序記

略約斜斜度小谿路從南畔又迴西年時不種
 閒花草世德常看舊品題葵茁露叢無踐馬桑
 籠樹色正鳴鷄田廬近接渾成趣一卷幽風一
 杖藜

沈氏園賞菊次韻施克和呈在座

清瘦頻年種菊忙主人真似沈東陽山潭飲水
 能多壽澤國冷英不是狂小引壺觴乘夕霽漫
 憑歌咏答年芳相看興到悠然處試數從來得

幾場

觀瓊花集

無雙亭下淮南許天上人間僅此花
 九朵攢來呈玉質兩迴開處占年華
 榮枯與世如相系雷雨何時却再芽
 一去未遺塵土累瑤臺空鎖舊煙霞

幽居景物二首次西涯翁韻

連林映郭弄晴暉誤道浮嵐認却非
 杜老物華詩點染房山水墨畫稀
 微靜兼花影初搖砌細

雜苔痕欲上衣獨倚江南望江北
 天空高鳥一時歸
 右樹色

庭花風落正堪憐好鳥飛來近我前
 似惜春歸情謾訴雅含歌調譜難傳
 令人倚樹立不倦歌枕拋書起又眠
 况復流泉當戶外匣琴終日懶揮絃
 右鳥聲

次韻寄題俞司諫國昌待曙樓

櫺軒高架絕塵霏銀燭燒殘萬籟稀
 清禁似聞聲動鑰明河漸見影承暉
 捫心默感時難際觸

事寧禁思欲飛更倚雲梯增悚惕君王勤政正
宵衣

次泉翁二月廿五日聽松菴韻

軟輿輕蓋度幽林一路紅芳襯綠陰飛盡茶煙
知日午添多山色愛春深竹松爭仰千尋榦泉
石真宜萬古心况是高賢舊遊地可能無語托
新吟

次韻泉翁點易臺述事

有懷長愛賦閒居漸老尤耽四聖書滴露松高
山轉靜登臺天闊意還餘一泓泉水淵源在數
點梅花卦畫如到得忘言惟莞爾豈知玄後更
潛虛

金山聽潮軒次江陰徐若容韻

坐來心目兩悠悠佳勝都從指顧收返照倒穿
崖隙上輕雲時傍席間流潮當險阻聲偏壯客
為江山跡謾留到此杳然塵土隔却憐身與世
俱浮

訓泉翁喜晴

晴光日日照山中何物還能縈此身小閣凝香
春自益碧潭行影畫難真林稀落葉風初定
剩棲糧歲不貧笑語平生諸故舊衰年容有未
閒人

寄朱山人

幾欲候公湖水濱不堪彌月黯春雲牀頭麴米
計已漉籬脚杞叢行可分精力底須青竹杖雅
懷多在白鷗羣蒲輪到日從容謝自有兒郎能
致君

次韻立之宿華汝瞻膠山新墅
濠湖幽處水南涯竹映藤披似浣花地主軟炊
菰米飯山僧清供乳泉茶書氈意煖回春律銅
鉢歌長及曙鴉文會遙憐嗟未與好風吾亦辦
輕槎

遊華藏寺次水部家叔韻

江湖無地不安恬夢裏尋山興轉添水鷁影飛
青舫小墨花香簇紫毫尖拈來釣竹雲平帽睡
足僧堂月滿簾更上荒丘增百感當時樵牧禁

會嚴

九月十三日水部叔邀觀菊座上繼崇周
長史作用唐人韻

花前九月蜂蝶飛小春漸近秋意微金錢合爾
籬下貴白酒待我山中歸賓當爲主莫辭醉月
未到夕先迎暉竹西崇岡更堪陟不負兩屐黏
苔衣

寄龔時亨

背郭幽棲只數椽安心調息引流年午簷花動

鳥窺戶春渚艇橫風滿川物妙每於閒處得時
情都向嬾中捐懷賢更有千秋興細和陶詩後
自箋

次韻靜觀野興

老年滋味淡爲嘉一讀君詩信作家松塢風高
聞落子菊籬秋晚愛餘花層喧定得魚盈尺確
熟寧愁飯有沙更喜惠山泉在望水符分到便
堪茶

過禪悅菴

小院春風送我來，落梅香裏重徘徊。
菜畦黃動浮塵起，泉脉清分古澗迴。
舊墨幾堪留卷冊，薄雲如解襯亭臺。
相携無復當時侶，野思閒情總自裁。

次觀梅韻

樹樹梅開院宇寬，紅酣白皙總宜看。
微風小徑青煙歛，細雨春城曉色寒。
石畔倚栽苔蝕徧，天涯折贈使逢難。
猶憐節候今年晚，賞到花朝意未闌。

次韻二泉午坐偶成

畫閣清深碧樹中，時聞鐵馬弄微風。
無爭豈復論棊勢，不飲從誰問酒功。
依棟巢多來燕子，遶門舟慣集漁翁。
晴光一片真宜麥，步屨前榮見遠峰。

魚燈次董學諭先生

燈事今年勝去年，錦鱗飛出傍紅蓮。
光分太乙青藜火，魂返琴高古列仙。
此夜含膏遊陸海，他時燒尾入雲天。
尊前喜覩文明兆，耳畔春雷已

殷然

次青城翁見寄二首

滴滴新流漾白沙溪東遙認隱君家忽驚庭草
生秋思送盡年光是物華絃斷古囊琴罷弄睡
酣塵榻筆無花暑餘倦極何聊賴淨洗砂餅自
煮茶

人間何處無塵沙老來似嫌猶有家碧潭龍去
波自靜山石苔生膚亦華暑困倩誰歌白雪籬
荒那復望黃花煙銷土銜日過午一勺清泉堪

當茶

次韻蒲文玉代梅索句

山空江冷歲如何未省幽人不我歌雲掩日華
天獨遠春連臘底雪偏多巡簷敢望掀髯笑拄
杖誰能踏凍過啼斷翠禽情脉脉暗香時自遠
吟窩

月下觀蓮

荷花靚無語宛在水中央露深明月高下宿雙
鴛鴦

昭君曲

但使胡塵靜蛾眉敢愛身
千年青塚在猶是漢宮春

次韻水部叔山居雜興

纖塵不到室如禪書卷琴張總舊緣
更有月瓢勝水遞小渠分入惠山泉

癸亥二月六日五湖舟中酒盡而風雨適

至戲呈同行諸友

笑倚空罇謾咏詩蓬窻浙瀝雨來時
昏昏暮色

中橋畔猶有青帘在短籬

宗鎬過予因留待雨用韻

竹裏清風忽報君雨將來處共看雲
吾亭且爲須臾坐案有坡公志喜文

夜泊蠡溪口號呈光懋

雨雪扁舟夜欲徂敲門無力任童奴
不知畫閣深沉處曾有燈花報客無

玉簪花

月姊搔頭雪色瓊碧叢高插細香生
夜深不用

銀缸照山靄濛濛月自明

暮春追憶泉翁二首

知音人去罷彈琴風外庭花落更深剝啄不聞
人跡絕瓦爐香冷思悵悵
不因春去懶登臺花外小車那復來只有舊巢
雙燕子尚依賓榻故旋迴

日馴弟鵲鳩扇頭

幽禽相逐上枯荷原上秋光太半過對畫定因
難棄此白頭兄弟已無多

喜晴

頑雲宿雨二旬彊村落家家久築塲今日碧天
開萬里殘砧聲裏愛斜陽

近午獨行溪上

拍岸新波泛落紅柳絲撩亂颺晴風不知餘得
春多少行過溪橋日未中

次韻酬錢信之惠詩

夢想春湖拍浪花蘭芬蘅色滿津涯何時買得
橋東棹來借閒鷗一席沙

海天鳴鶴圖為張真人作

老鶴長鳴海日升珊瑚樹長玉峻嶒樓臺十二
春無際人在蓬萊最上層

晚冬雜興

老年猶自愛觀書晤語無儔意有餘鳥雀近人
庭日暖起扶筇竹步徐徐

石倉十二代詩選

次集卷一百三十六

終

石倉十二代詩選

明次集卷一百三十七

雪崖遺稿

大明

福安繆 璉著

後學曹學佺閱

遊羅漢寺

溪南有禪寺此地古來幽未問三生話先尋半
日遊山林紅樹晚池水白蓮秋聊爾題詩句安
能占上流

題獅藏精舍和黃文盛先生韻

旁搜遠紹究玄微馬帳高談夜臥遲金鐸聲揚

歷代詩選
多士化瑤琴音奏少人知夢回鳳展長驚遠吟
對獅峰屢獻奇滿眼交遊無限樂相看又過暮
春時

送雲塘家兄之任臨高

聞說瓊臺好宦遊休言千里宦途脩天門領鐸
新承職闕里辭家不暫留花底離情添別酒馬
頭春色壯吟眸鱸堂擬聽三台北蚤寄音書置
便郵

七夕夜酌別來寄雙峰黃先生

會記相逢當七夕星河炯炯鵲成橋竹松軒下
詩情好瓜菓庭中酒興饒寶篆焚香煙氣裊絳
紗籠燭影光搖別來愁思知多少琪樹西風葉
亂飄

贈江夏黃文弼先生和韻二首

神武門前早掛冠爭如先已臥江干竹窻酒醉
春風暖梅屋詩成夜月寒塵榻久緣徐穉設瑤
琴長爲子期彈庸才欲結群英會猶恐山樊雜
蕙蘭

考槃其許留泉石製錦何須問織縑
蒲院啼鸞驚看枕一庭飛絮怕鈎簾
玉堂風月心無慕茅舍煙霞志自厭
穆地故人何處是雙峰雲樹幾回瞻

雲塘別墅

獅山山下石泉清鑿得方塘一鑑平
水面磨光雲影照天心沉碧月華明
龍魚夜聽風雷化花木春承雨露榮
佳致不同歌舞地藜床燈火有書聲

送邑庠師劉先生致政歸浮梁

振鐸談經事可誇詞源洵湧浩無涯
幽情恐負青山宅歸興應懷黃菊花
寒浦風高先解榻秋江潮上便乘槎
青瓊事業休嗟冷苜蓿盤中道味賒

寄雲塘兄海南

會記臨岐別鴈行歲華猶換幾風光
瓊山天遠難飛夢姜被宵寒獨臥霜
鱸膾謾懷垂釣石鱸魚還集講經堂
榮歸林下知何日聊寫封書思

渺茫

泮林春意和邑庠師李希賢先生韻

金闕紅雲曉正開除書榮捧八閩來長才已富
三冬學健翼曾冲萬里回夜雨青藜明絳帳春
風吟屐印蒼苔泮林剩得韶光趣池草詩成細
品裁

雲霄回首倦飛黃鐸振翼官聲已揚虛館久懸
延士榻寒癘長坐講經堂杏壇雨洽先生化槐
市花期舉子忙他日功成宜顯擢鏘鏘鸞佩列

朝廊

數仞宮牆禮樂區泮泮儒教遍名都溪梅破玉
年光換庭草留芳春意敷酒興每邀花下月詩
情多寄柳邊湖堪誇一代斯文盛洙泗淵源有
遠模

寄中山劉先生

迢迢中山碧海東煙波無處下孤篷鶯花易逐
春光暮雲樹空勞眼力窮流水音稀琴嬾奏致
書郵遠鴈難通多情只有西樓月一色嬋娟兩

地同。

次郭栢庄先生見寄韻

小亭瀟洒晚涼天
風迥荷香入酒筵
流水琴音清奏曲
博山爐篆細騰煙
青蒲綠笄常留客
羽扇綸巾半學仙
世事到頭須自足
休言騎鶴與腰纏

遊羅漢寺

咫尺招堤久倦登
今朝乘興訪名僧
空庭過雨苔偏滑
老鉢藏龍水自澄
雲伴鶴行松下路
樵

衝猿抱澗邊
籐留題泉石
歸來晚踏破前山翠
幾層

遊羅漢寺同寧德林栢山秀才家兄雲塘舍弟竹溪分韻得羅字

春風衫子試香羅
有客携壺別院過
塵世得閒能幾日
溪南休把醉人呵

鄭鵬

字于漢閩縣人有編茗集

寓鐔城寫懷

幽懷不成寐
蟲聲苦喧啾
披衣起待旦
殘星屋

西頭區區一寸心耿耿千百憂飯牛歌憤抑試
問人知不

題畫

流水盪白石浮雲礙青山亭臺倚蒼翠樓閣空
濛間小橋日已暝採芝人獨還臨流者何爲似
昔扁舟閒

題崆峒圖壽祝永明

吾聞崆峒山岷嶧三萬丈星辰羅層巔雲霞罩
蒼莽琪樹競芬芳石室廓弘敞伊昔廣城子於

茲抱玄養日月參輝光天地同茫茫猗歟度關
翁千載契心賞拂袖凌紫霄跨鶴遙相訪欣然
許相從無極恣來往祝君真仙姿襟懷多侗儻
長謝軒冕榮亦澹聲色想諒是長往人不待智
者獎慚予骨相凡齷齪墮塵網金光許共餐願
言執鞭鞅

題醉漁圖

去住一葉舟卷舒一竿竹朝從柳岸過夜向蘆
汀宿魚多不賣錢村酒換盈斛鮮膾簇銀絲芳

香雜野簌老妻笑傾壺稚子歌擊筑醉來橫短
楫披襟坦便腹月明風露淨遽然睡方熟隨流
任所之自信穩於屋嗟彼塵世間風波平地伏
綬綬成拘攣車馬生跼蹙華亭鶴不聞千秋傷
三陸補子骨珠山瑯琊金水信其然
遊東禪次楊部君謙韻
遊興殊未窮復此溪堂集焚香坐隱几塵心澹
然戢輕颺侵葛涼微雨灑花濕竹懶臥不醒山
色秀可挹子雲有高詠載賡慙掇拾歸騎晚駸

駸長空飛鳥急

與鄭治平燕集與具次明蔡九遠文徵仲錢孔
卦京周王直夫湯子重王履吉

扁舟出橫塘直度彩雲橋治平忽在眼雙松見
高標開筵照湖水放歌凌紫霄諸賢各有適局
戲爭盧臬揚帆指歸路斷鳥暮天遙倚篷有餘
興明月不待招

題唐有懷畫扇

儒仙本絕俗筆下開丹丘雲霞敞竒勝松桂凌

深秋群峰簇天外碧海芙蓉浮訊彼丘中人何
當招我遊對之清興發岸幘呼青州

仕宦不得意二首

仕宦不得意歸來出無車徒步義所安焉敢競
馳驅一枝古筇杖瘦硬蒼玉如待之置左右出
入聊相須

仕宦不得意歸來食無魚平生黎覬腸不羨甘
與腴古人曲肱樂疏食飲水餘肯爲區區者頓
使初心渝

題靖節圖

八旬彭澤令胡爲賦歸來不爲折腰勞亦豈爲
啣杯世事與心違感之良可哀見幾苟不早屈
辱終難排柴桑五柳下茆屋荒蒼苔松菊喜猶
存田園多草萊力耕課僮僕衣食聊自媒生死
等蜉蝣軒冕輕塵埃勸酬雜農圃歡昵及孺孩
意適輒有吟落筆忘敲推縱心信所如澗曲山
之隈衡門向夕啓孤舟正沿洄妻子笑將迎鷄
犬亦喧豨乘化樂天命靡復縈所懷緬茲絕代

人清風動九垓廉頑與立懦身沒名不灰我生
千載後仰止心悠哉風簷讀公傳白日青天回
洗衣行

若耶溪中新水蒲女郎澣濯溪邊晚微波蕩
濕金蓮返照侵衣明玉腕洗衣最恨啼痕多不
洗啼痕將奈何杵重心忙臂轉弱斑斑血淚難
消磨徘徊指顧荷花語妾愁莖內絲千縷摘來
不斷復相聯誰識蓮中心更苦洗衣洗衣復洗
衣菰蒲風急鴛鴦飛鴛鴦雙飛看漸杳何事人

生不如鳥

秋江獨釣圖爲許啓衷賦

穹林昨夜商飈起面面芙蓉削空紫洞口寒泉
一派垂直瀉銀河數千里竹籬茅屋連山坡上
方樓閣驚嵯峨輕車細馬謝塵跡梵僧野老時
相過漁翁獨泛扁舟小百尺絲綸青嫋嫋松聲
聒耳喧寒濤澹澹長空絕飛鳥殘月孤雲幾醉
醒蘋花洲渚蘆花汀君不見磻溪釣叟年八十
一顧成周有餘力

寄東庄老人

東庄老人巢許儔林泉高臥輕王侯半生畎畝
有餘樂牙籤萬軸堆牀頭興來時或杖短策高
隴平溪恣登陟狂吟長嘯煙雲間世上千端慮
俱息有酒不惜呼隣翁瓦盆滿注真珠紅山肴
野蔌羅飴餽陶然擊壤歌重瞳空齋客去惟高
枕曉日穿窻猶未醒覺來好鳥花間啼坐對青
山試新茗薜門蘿戶日長關笑看浮雲自往還
明月半輪臨綠綺薰風一曲破朱顏吾聞此老

驚且喜迢遞江山隔千里安得相從學弄丸一
樽共醉東莊裏

題朱買臣負薪圖

噫嘻此是朱買臣魏來未識真不真夜窻展玩
發長嘆爾來四十誰相親凌晨引斧入山麓向
晚出街來賣薪書聲隨擔不輟響孔顏恍惚交
形神此時敝衣兼破笠他年紫綬輝朱輪庸儒
奔走且駭汗舉頭張望瞻車塵乃知窮達有定
命古來如此非君身會稽愚婦君莫嗔于今更

多白眼人

題元人畫

峰巒馳突如奔馬萬頃澄江練光瀉閒庭邃館
掩清秋嘉樹陰陰覆平野山椒寺隱見浮屠中
流小艇懸輕蒲桃源輞川無乃是興來欲狂忘
披圖

窻前小桃盛開不獲宴賞

小桃春前疑無花幾回攀樹成咨嗟豈知時節
自然到千枝萬葉紛如麻今朝照眼如雲錦正

好一樽相對飲無端塵事又相妨窻下無言歎
倦枕

首二虫歎

蛛絲網飛虫日日足充飽蠶絲濟民生一身不
自保事功大異報反施果物自爲天桔之小人
生全君子殪若比二虫無乃似此理欲詰嗟無
由起拍闌干雙淚流

禽言三首

快快插禾清明穀雨天氣和田中水滿禾易長

轉眼便是人催科快快插禾
子歸子歸胡不歸田園既蕪屋成灰遲遲吾行
當訴誰王門鼓瑟不如抱竿吹鬚髮改變筋力
衰不歸不歸更何爲
提葫蘆沽美酒三百青銅何處有桃花落盡杏
花殘十分春色今無九縱遇採樵人勒馬空回
首况又多年失孟光一斗憑誰藏既久忍聽提
壺休飲酒

發衢城

晚發衢城外中宵宿遠岑亂雲迷客夢微雨碎
鄉心犬吠知村近泉鳴覺澗深淒涼無復寐起
坐更沉吟

曉行

觸霧乘殘月肩輿趣曉程無林還鳥語非澗却
流聲乳雉冲人起耕犍帶犢行茲遊真孟浪慚
媿棄繻生

次鄭繼之南湖舊居韻

使君湖上宅面面俯淪漪魚鳥馴相狎煙雲靜

歷代詩選 明集蒲浦
與期畚人供谷竦漁父課鷓鴣一被塵纓縛悠
然繫夢思

春郊候同遊不至

羈思寂無聊尋春過野橋草新兒馬逸柳穉乳
鶯嬌俗事終難遣良朋亦費招胷中多磊砢謾
詫酒能澆

坐與寄翁世衡

迎薰亭上景想見別來深庭竹添新玉圍枰富
晚金篆煙清午夢古畫續高吟未得同幽賞空

馳千里心

寄李尚賓

別院隔塵囂高懷未寂寥綠漪君子竹紅醉美
人蕉湖海閒心健朋儕樂事饒客憲風雨夕時
復夢招邀

晚酌池上

碧月晚雲留清波細縠浮魚梭時一擲螢火忽
雙流酒盡鄰僧續詩成穉子謳蕭然天地裡忘
却異鄉愁

蔡九達文徵仲王履約湯子重王履吉諸
知己自吳來訪權數日別去悵然增懷賦
此奉寄

憶昔從諸彥真同弟與兄每耽文事樂時泛酒
船行歲月蹉跎意湖山感慨情今朝重把袂應
笑二毛生

夜宿奔牛鎮感事

颯颯風號樹蕭蕭雨打篷暮林已歸鳥遠寺亦
鳴鐘絲盡傷貧女場空泣老農微官慚寄祿爲

爾輟朝饗

芝城除夕

薄宦遷移日江城歲暮天可憐新白髮還對舊
青氈故國餘千里浮生又一年東風翻巧勝吾
意總蕭然

饒陽九日

此地逢重九蕭條倍往年愁深竹葉裏秋老菊
花邊避俗從元亮登高憶惠連西風欺短鬢一
任葛巾偏

回舟

已達王門禮還登使者舟片帆開曉日高枕臥
中流葭葦迷荒渡鷓鴣立淺洲終年厭羈束聊
此作清遊

哭王履吉

夢裡西川路分明舊石湖鷓鴣原聲正急慈竹淚
同枯川嶽還靈氣風雲負壯圖一杯澆宿草何
日到東吳

途中七十

行年當七十旅邸遇生朝蒲節過三日松醪醉
一瓢市朝空礧碌林壑好逍遙寄語王門客冥
鴻不可招

月夜放舟追次蘇長公金山寺廻文詩韻
潮來湧浪觸堤傾遠覺村中火滅明橋峻駕空
浮影曲櫓新搖月叫聲清迢迢思繞青林暝拍
拍懷舒綠野晴遙寄好詩新恨洗碧雲疑處去
鴻輕

天寧寺山房

山房鎮日伴僧閒景物依稀與意關絃管日教
來好鳥畫圖天爲列青山池留芳草供佳句竹
引清泉滌醉顏勝事前林左可賞鷺鷥朝去暮
飛還

寄許黃門啓衷

一別年華又兩更望中雲樹總愁生激昂未信
終無地慰藉常懷最有情給舍長聞新諫草客
窻還對舊書檠祝君萬里身長健鄉國衣冠仗
主盟

摘裝自遣

寓開化

但得身閑好讀書不妨貧病似相如春花世事
開仍落秋雨人情密又疎窻外好山青入坐門
前細水綠穿渠令人翻憶磻溪老笑把長竿學
釣魚

秋江寫望

睡起推篷望去津眼前文物動新吟紅酣樹杪
斜陽墮黛薄天邊遠岫沉鴈落平沙秋野闊魚
吹高浪暮江深平生最是耽竒勝肯爲飄零負

歷代詩選

明集清淵

六

此心

東軒曉起有懷陳德階

春寒簾幙護重重
高臥東軒適性慵
千里關山千里夢
五更風雨五更鐘
情懷聊寄樽中酒
歲月驚看鏡裏容
何處鶯聲頻到耳
令人搔首憶元龍

寄林利正

愛君瀟灑寓金臺
乘興追尋日幾回
神女多情離楚峽
阮郎何事別天台
也知壯志珍龍劍
不

管春愁損燕釵
回首綠陰青子密
空教杜牧悵重來

宿宣風館和伯安王公韻

屋後青山過雨痕
門前新水赴溪渾
風聲偃稻翻平野
日脚穿雲射遠村
世路多岐還委曲
長懷最苦是黃昏
家鄉迢遞音書杳
腸斷深林蜀帝魂

舟艤衡湘登石鼓書院

蒸湘到此雙流合
石鼓朱陵日夜浮
終古乾坤

留勝槩千年文藻仰前脩平蕪落日漁歌晚遠
漢西風鴈字秋徙倚危欄望南嶽恍然身世在
瀛洲

對景宿靈川呈諸同事

偶來寄宿靈川城眼前野景宜野情白雲護山
曉未起蒼苔繡石秋還明獨行忽見碧潭影一
曲礙蒼滄浪聲宦途流轉無定在翻憐聚散如
浮萍

清明虎丘陪祀有作

虎阜名藍近古城年年陪祀及清明生公舊石
莓苔老陸羽香泉蝌蚪生劍氣已隨塵土沒霸
圖惟見草煙橫古今何限興亡事不盡遊人感
慨情

松江舟上

獨乘輕舸適雲間三月春光尚未還風雨昨宵
仍陣陣草花沿路正斑斑堪憐涸轍脩鱗困不
似危巢老鷓閒笑我飄零成底事醉看長劍一
開顏

送春

不見紅芳空綠陰
臨堦聊把一杯傾
須知四序循環理
莫訝三更杜宇聲
棗杏看看催火改
園林處處有蟬鳴
王孫可恨歸來晚
芳草萋萋萬里情

虎丘飲餞舟中書呈諸親友

畫舫夷猶野水濱
異鄉相見轉相親
岸傍灌木長含雨
樹裏啼鶯巧避人
高閣平舒千里目
浮生未定百年身
深杯到手休辭醉
更與從容盡

幾巡

九日懷姑蘇諸友因柬孔周

轉徙江湖底事忙
空餘雙鬢髮蒼蒼
休嗟不遇馮唐老
且學風流賀監狂
稚子解歌秋水句
美人偏阻菊花觴
伊誰此際偏相念
獨倚闌干憶斐堂

和徐秋官用中雨夜愁醒韻

暮雲忽共再相期
客舍淒涼就臥遲
潤入琴書猶未覺
寒生枕簟已先知
廟堂不見茆茨漏
鍾

歷代詩選
鼎寧懷馘馘飢廣屢萬間思大庇少陵忠愛寔
吾師

過常山示兒輩

蝸角蠅頭底事勞高牙大纛愧英豪敝裘慣被
青山笑破帽頻將白髮搔忽見梅花驚歲暮強
斟竹葉借顏醜不才棄置應吾分出處方將戒
爾曹

覽鏡二首

頗覺衰容倍昔年敢將飄泊怨皇天求齊應悔

徒工瑟作賦曾聞不值錢幽谷蘭荃長寂寞春
風桃李易芳妍羈懷正爾無聊賴何處聲聲叫
杜鵑

九萬扶搖志已訛情如籠鳥自慵歌春風又見
新桃李鄉夢長懸舊薜蘿不事台遊非興減尚
耽微祿奈貧何晨興盥櫛臨青鏡惟見蕭蕭白
髮多

青雲樓

青雲樓上日徘徊風景平臨四面開宿霧每將

歷代詩選 明集清淵 卷之三
城鎖斷夕陽長送鳥飛回萬家煙火湖山裏千
里帆檣浦溆隈幾度輒興鄉國思援毫欲賦愧
非才

殘菊

不忍臨堵把酒鍾蕭條籬落淡煙中秋光轉眼
渾如夢色相從前本是空直以盛衰觀物理莫
將成敗恨天工明年擬辦今年醉只恐人如踏
雪鴻

登平遠見亡友許啓衷書扁感而賦此

城市山林榜尚懸洞江居士久升仙恐過嵩嶽
遷鶯地愁憶燕臺對榻年詩草闌珊誰爲輯酒
籌零落竟無傳古梅耆宿今俱朽俯仰乾坤一
惘然

雨坐

元宵纔過又花朝美好光陰孟浪消屈指兼旬
疎酒盞苦心臨水送詩瓢簡編相與權支遣風
雨生增更寂寥小大乾坤咸自適鴟鵬何必哂
鷓鴣

偶書

聰明不及前貧賤只如故感此惜流光援琴寫

心素

水月亭

四徹澹空明清輝映寒玉欲將五十絃中夜彈

一曲

湖山觀

樓閣搖清波亭臺隱孤嶼時聽笙簫聲雲端下

仙侶

四萬坐

樓外雨初收樓中人獨愁一聲何處鴈驚破五

湖秋

風雨題文徵仲小景

竹橋橫小澗泉響落空山惟有幽棲客扁舟恣

往還

春行

一溪桃雨流紅去萬壑松風響翠來即景欲吟

吟未得春衫隨處坐莓苔

獨倚江樓賦大招
潛然雙淚落春潮
潮聲和淚東流
急流到錢塘十五橋

送于光弟還閩

清貧宦邸嘆淹留
又向吳門上去舟
遙想西堂風雨夕
也應孤枕夢蘇州

昭君

黃金底事賂傳神
未必丹青勝似真
只道君王明萬里
寧知不識掖庭人

餘干道中

樹繞前灣水拍堤
白雲極目遠天低
春光已逐飛花盡
猶有多情鳥自啼

雨颺東風亂打篷
聲聲都入客愁中
一春閑却登山屐
且向江湖訪釣翁

石倉十二代詩選

次集卷一百三十七 終

